

**ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ**

**ОЛИЙ ТАЪЛИМ ТИЗИМИ ПЕДАГОГ ВА РАҲБАР КАДРЛАРИНИ ҚАЙТА
ТАЙЁРЛАШ ВА УЛАРНИНГ МАЛАКАСИНИ ОШИРИШНИ ТАШКИЛ
ЭТИШ БОШ ИЛМИЙ - МЕТОДИК МАРКАЗИ**

**ТОШКЕНТ ИРРИГАЦИЯ ВА ҚИШЛОҚ ХЎЖАЛИГИНИ
МЕХАНИЗАЦИЯЛАШ МУҲАНДИСЛАРИ ИНСТИТУТИ ҲУЗУРИДАГИ
ПЕДАГОГ КАДРЛАРНИ ҚАЙТА ТАЙЁРЛАШ ВА УЛАРНИНГ
МАЛАКАСИНИ ОШИРИШ ТАРМОҚ МАРКАЗИ**

“МУҚОБИЛ ЭНЕРГИЯ МАНБАЛАРИ”

модули бўйича

ЎҚУВ-УСЛУБИЙМАЖМУА

**ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ**

**ОЛИЙ ТАЪЛИМ ТИЗИМИ ПЕДАГОГ ВА РАҲБАР КАДРЛАРИНИ ҚАЙТА
ТАЙЁРЛАШ ВА УЛАРНИНГ МАЛАКАСИНИ ОШИРИШНИ ТАШКИЛ
ЭТИШ БОШ ИЛМИЙ - МЕТОДИК МАРКАЗИ**

**ТОШКЕНТ ИРРИГАЦИЯ ВА ҚИШЛОҚ ХЎЖАЛИГИНИ
МЕХАНИЗАЦИЯЛАШ МУҲАНДИСЛАРИ ИНСТИТУТИ ҲУЗУРИДАГИ
ПЕДАГОГ КАДРЛАРНИ ҚАЙТА ТАЙЁРЛАШ ВА УЛАРНИНГ
МАЛАКАСИНИ ОШИРИШ ТАРМОҚ МАРКАЗИ**

“МУҚОБИЛ ЭНЕРГИЯ МАНБАЛАРИ”

модули бўйича

ЎҚУВ-УСЛУБИЙМАЖМУА

Тошкент – 2019

**Мазкур ўқув-услубий мажмуа Олий ва ўрта махсус таълим вазирлигининг
2019 йил 2 ноябрдаги 1023-сонли буйруғи билан тасдиқланган ўқув режа ва
дастур асосида тайёрланди.**

- Тузувчи:** Т.Мажидов, ТИҚХММИ доценти., т.ф.н.
- Тақризчилар:** З.В.Кобулиев - Тожикистон Республикаси Фанлар Академияси “Сув муаммолари, гидроэнергетика ва экология” институтининг директори, Тожикистон Фанлар Академиясининг корреспондент аъзоси, т.ф.д, профессор
- А.Р.Фазилов - Тожикистон Республикаси Фанлар Академияси “Сув муаммолари, гидроэнергетика ва экология” институти “Сув ресурслари ва гидрофизик жараёнлар” лабораторияси мудири, т.ф.д.

Ўқув - услубий мажмуа Тошкент ирригация ва қишлоқ хўжалигини механизациялаш мұхандислари институти кенгашининг 2019 йил октябрдаги 3-сонли қарори билан нашрга тавсия қилинган.

МУНДАРИЖА

I.ИШЧИ ДАСТУР	3
II. МОДУЛНИ ЎҚИТИШДА ФОЙДАЛАНИЛАДИГАН ИНТРЕФАОЛ ТАЪЛИММЕТОДЛАРИ.....	8
III. НАЗАРИЙ МАТЕРИАЛЛАРИ.....	14
IV. АМАЛИЙ МАШФУЛОТ МАТЕРИАЛЛАРИ.....	47
V. КЕЙСЛАР БАНКИ	52
VI. МУСТАҚИЛ ТАЪЛИМ МАВЗУЛАРИ.....	56
VII. ГЛОССАРИЙ.....	57
VIII. АДАБИЁТЛАР РЎЙХАТИ.....	60

I. ИШЧИ ДАСТУР

Кириш

Мазкур ишчи дастур дунёнинг илфор мамлакатларида кадрларни қайта тайёрлаш ва уларнинг малакасини ошириш йўналишида олиб борилаётган инновацион технологияларга асосланган ҳолда тузилган ўкув режа ва наъмунавий дастур асосида тайёрланган бўлиб, унда тармоқлардаги илфор хорижий тажрибаларига ҳам муҳим ўрин берилган.

Модулни ўрганишдан мақсад кундан – кунга камайиб бораётган органик ёқилғилар ўрнига, экологик тоза энергия манбаларидан фойдаланиб иқтисодиёт соҳаларини энергияга бўлган талабини қондиришни кўрсатишдан иборатdir. Мамлакатимиз қайта тикланувчи энергия манбаларига бойдир. Улар қаторига сув, қуёш, шамол ва бошқа энергия манбаларини киритиш мумкин. Шундай энергия манбаларидан ҳар хил энергия турларини олиш технологиялари, схемалари, энергоқурилмалари ва энергетик станциялар бўйича зарурий билимлар олишдир.

Бу мақсадни бажариш Олий таълим муассасаларининг педагогик кадрларининг ўз иш жараёнларида замонавий қайта тикланувчи энергия манбаларидан ҳар хил энергия турларини олиш, энергия ишлаб чиқарувчи қурилмалар, уларни монтаж ва эксплуатация қилиш, хизмат кўрсатиш ҳамда демонтаж ва таъмирлаш ишларини билишлари ва таълим бериш фаолиятларида самарали қўллай олишлари зарур.

Хозирги кунда мамлакатимизнинг барча ҳудудларида қайта тикланувчи энергетик қурилмаларни қуриш ва улардан самарали фойдаланиш оммавий тус олиб бораётганлигини хисобга олиб, улар тўғрисида тўлиқ билим бериш ҳозирги куннинг долзарб масалаларидан хисобланади.

Модулнинг мақсади ва вазифалари

«Муқобил энергия манбалари» модулининг мақсад ва вазифалари:

Мақсади: педагог кадрларга дунё ва мамлакатимиздаги ноанаънавий ва қайтьа тикланувчи энергия манбалари, улардан олинадиган энергия турлари, энергияни ишлаб чиқарувчи технологиялар, машина ва механизmlар, қурилмалар, уларни монтаж ва эксплуатация қилиш, хизмат кўрсатиш, таъмирлаш ва демонтаж қилиш ҳамда сақлаш бўйича шаклланган билим, кўникма ва малакаларни хориж тажрибалагига таянган ҳолда бойитишга эришиш.

Вазифаси: ноанаънавий ва қайти тикланувчи энергетик қурилмаларни ишлатиш, улардан самарали фойдаланиш, ишламай қолиш сабабларини аниқлаш ва бартараф этиш усуллари, таъмирлаш ва реконструкция қилиш, техник хизмат кўрсатиш олинган натижаларни қайта ишлашдаахборат-коммуникацион технологияларидан фойдаланиш, илфор хориж тажрибаларидан воқиф бўлиш ва уларни етказиш.

Модул бўйича тингловчиларнинг билим, кўникмас, малака ва компетенцияларига қўйиладиган талаблар

«Муқобил энергия манбалари» модулини ўзлаштириш жараёнида амалга ошириладиган масалалар доирасида:

Тингловчи:

- ноанаънавий ва қайта тикланувчи энергия манбалари;
- ноанаънавий ва қайта тикланувчи энергия манбаларидан энергия ишлаб чиқарувчи технология, схема, машина ва механизmlар, энергетик қурилмалар ва бошқалар;

- ноанаънавий ва қайта тикланувчи энергия манбаларидан энергия ишлаб чиқарувчи технология, схема, машина ва механизмлар, энергетик қурилмалар ёрдамида ҳар хил энергия турларини ишлаб чиқариш;

- ноанаънавий ва қайти тикланувчи энергетик қурилмаларни ишлатиш, улардан самарали фойдаланиш, ишламай қолиш сабаблари ва бартараф этиш усуллари, таъмирлаш ва реконструкция қилиш, техник хизмат кўрсатиш;

- замонавий экологик тоза энергия ишлаб чиқарувчи техника ва технологиялар самараси, афзалигини баҳолаш каби **билимларга эга** бўлиши зарур.

Тингловчи:

- ноанаънавий ва қайта тикланувчи энергия манбаларини бир-биридан фарқ қилиш;

- ноанаънавий ва қайта тикланувчи энергия манбаларидан энергия ишлаб чиқарувчи технология, схема, машина ва механизмлар, энергетик қурилмалар ва бошқалар тўғрисида чуқур маълумотга эга бўлиш;

- ноанаънавий ва қайта тикланувчи энергия манбаларидан энергия ишлаб чиқарувчи технология, схема, машина ва механизмлар, энергетик қурилмалар

- ёрдамида ҳар хил энергия турларини ишлаб чиқаришни билиш;

- ноанаънавий ва қайти тикланувчи энергетик қурилмаларни ишлатиш, улардан самарали фойдаланиш, ишламай қолиш сабаблари ва бартараф этиш усуллари, таъмирлаш ва реконструкция қилиш, техник хизмат кўрсатишни амалга ошириши;

- ўз фаолиятида самарали техника ва технологияларни танлай олиш каби **кўнимка ва малакаларини** эгаллаши зарур.

Тингловчи:

- ноанаънавий ва қайта тикланувчи энергия манбаларидан фойдаланишда амалга ошириладиган технологик, ижтимоий, экологик ва иқтисодий жараёнларни баҳолаш;

- ноанаънавий ва қайта тикланувчи энергия манбаларига қурилган энергетик қурилмалардан фойдаланиб экологик тоза энергия ишлаб чиқаришни амалга ошириш;

- ноанаънавий ва қайта тикланувчи энергия манбаларига қуриладиган энергетик қурилмаларни ўрнатиш (монтаж қилиш) ва қисмларга ажратиш (демонтаж қилиш) ҳамда таъмирлаш ишларини бажариш;

- ноанаънавий ва қайта тикланувчи энергия манбаларига қуриладиган энергетик қурилмалар энергиясидан фойдаланиб, сув кўтариб берувчи насосларни ишлатиш бўйича **компетенцияларга** эга бўлиши лозим.

Модулни ташкил этиш ва ўтказиш бўйича тавсиялар

«Муқобил энергия манбалари» курси маъруза ва амалий машғулотлар шаклида олиб борилади.

Курсни ўқитиши жараёнида таълимнинг замонавий методлари, педагогик технологиялар ва ахборот-коммуникация технологиялари қўлланилиши назарда тутилган:

- маъруза дарсларида замонавий компьютер технологиялари ёрдамида тақдимот ва электрон-дидактик материалларидан;

- ўтказиладиган амалий машғулотларда техник воситалардан, экспресс-сўровлар, тест сўровлари, ақлий хужум, гурухли фикрлаш, кичик гурухлар билан ишлаш, коллоквиум ўтказиш, ва бошқа интерфаол таълим усулларидан фойдаланиш назарда тутилади.

Модулининг ўқув режадаги бошқа модуллар билан боғлиқлиги ва узвийлиги

«Муқобил энергия манбалари» модули йўналишдаги қуйидаги: Олий таълимнинг норматив-хуқуқий асослари; илгор таълим технологиялари ва педагогик маҳорат; таълим жараёнларида ахборот-коммуникация технологияларни қўллаш; амалий хорижий тил; тизимли

таҳлил ва қарор қабул қилиш асослари; маҳсус фанлар модуллари билан узвий боғлиқ ҳолда олиб борилади.

Модулнинг олий таълимдаги ўрни

Модул педагогнинг шахсий ва касбий ахборот майдонини яратиш ва улардан таълим тизимида фойдаланиш орқали таълимни самарали ташкил этишга ва сифатини тизимли ортиришга ёрдам беради.

Модул бўйича соатлар тақсимоти

Т/р	Модул мавзулари	Умимий соат	Масофавий таълим	Жумладан	
				Жами аудитория	Назарий
1	Ноанаънавий ва қайта тикланувчи энергия манбалари	2	2		
2	Ўзбекистонда ва дунёда гидроэнергетиканинг ривожланиши	2	2		
3	Шамол энергиясидан фойдаланиш	4	2	2	2
4	Қуёш энергиясидан фойдаланиш	6	2	4	2
5	Сув энергиясидан фойдаланиш	4	2	2	2
6	Биомасса ва биогаз энергиясидан фойдаланиш	6	4	2	2
Жами:		24	14	10	4
					6

НАЗАРИЙ МАШҒУЛОТЛАР МАЗМУНИ

1-мавзу: Ноанаънавий ва қайта тикланувчи энергия манбалари.

Кириш. Қайталанувчи, қайталанмайдиган ҳамда анаънавий ва ноанаънавий энергия манбалари. Ноанаънавий ва қайталанувчи энергия манбалари ҳамда уларнинг дунё мамлакатларида қўлланилаётган турлари. Қайта тикланувчи энергия манбалари ҳисобига ишлаётган дунёдаги энг катта электр станциялари. Дунёда энг катта қувватли ГЭС. Дунёда энг катта қувватли шамол электростанцияси. Дунёдаги энг катта, сув сатҳнинг кўтарилиб - тушиб принципи асосида ишлайдиган гидроэлектростанция. Дунёдаги энг катта тўлқинлар электростанцияси. Дунёдаги энг катта қуёш электростанцияси. Дунёдаги энг катта геотермал электростанция. Дунёдаги энг катта биомасса ёкувчи электростанция. Ўзбекистонда мавжуд бўлган ноанаънавий ва қайта тикланувчи энергия манбалари.

2-мавзу: Ўзбекистонда ва дунёда гидроэнергетиканинг ривожланиши.

Ўзбекистонда ва дунёда гидроэнергетиканинг ривожланиш тарихи. Ўзбекистонда гидроэнергетиканинг ҳозирги ҳолати ва келажакдаги ривожланиш истиқболи. Ирригация тармоқларидағи кичик ва ўрта гидроэлектростанциялар

3- мавзу: Сув энергиясидан фойдаланиш.

Энергетик ва ирригация режимида ишловчи ГЭСлар. Микрогидроэнергетика. Сувнинг тўғридан-тўғри гидравлик энергиясидан фойдаланиб сув кўтариш.

4-мавзу: Шамол энергиясидан фойдаланиш.

Шамол энергияси ва ундан фойдаланиш асослари. Шамол энергияси кадастри. Шамол электростанциялари.

5-мавзу: Қуёш энергиясидан фойдаланиш.

Қуёш энергияси ва ундан фойдаланиш асослари. Қуёш энергияси кадастри. Қуёш энергиясини йигувчи қурилмалар қуёш энергиясидан иссиқлик ва электроэнергия олиш усуллари ва қурилмалари. Космик қуёш электростанциялари. Қуёш энергиясидан ишлаб чиқаришда фойдаланиш. Комбинациялашган энергиядан фойдаланиш.

6- мавзу: Биомасса ва биогаз энергиясидан фойдаланиш.

Биомасса ва унинг таркиби. Биогаз, унинг таркиби, ҳосил бўлиш жараёни ва миқдори. Биогаздан фойдаланиш афзаликлари.

АМАЛИЙ МАШГУЛОТ МАЗМУНИ

1-амалий машғулот:

Йирик ирригацион каналлардаги энергетик нуқталарни аниқлаш

Тигловчиларни Ўзбекистон Республикасидаги кичик ва ўрта ГЭСлар қуриладиган улкан ирригация каналлари ҳамда улардаги энергетик нуқталарни аниқлаш билан таништириш.

2-амалий машғулот:

Ирригацион-энергетик каскадлар схемасини ишлаб чиқиши

Тингловларни Ўзбекистон Республикасидаги кичик ва ўрта ГЭСлар қурилган улкан ирригация каналлари ҳамда уларни ишлаш режими билан таништириш.

3-амалий машғулот:

Маълум ҳудуддаги қуёш энергияси қувватини ҳисоблаш.

Мамлакатимиз ҳудудига тушадиган қуёш радиацияси энергиясига ($\text{kVt соат}/\text{м}^2$) асосан, маълум ҳудуд учун қуёш энергетик қурилмалари ёрдамида ишлаб чиқиладиган қувват миқдорини ҳисоблашни тигловчиларга ўргатишдан иборатdir.

ЎҚИТИШ ШАКЛЛАРИ

Мазкур модулни ўқитишда қўйидаги ўқитиш шаклларидан фойдаланилади:

- маърузалар, амалий машғулотлар (маълумотлар ва технологияларни англаб олиш, ақлий қизиқишни ривожлантириш, назарий билимларни мустаҳкамлаш);
- давра сухбатлари (кўрилаётган лойиҳа ечимлари бўйича таклиф бериш қобилиятини ошириш, эшитиш, идрок қилиш ва мантиқий холосалар чиқариш);
- баҳс ва мунозаралар (loyiҳалар ечими бўйича далилларни тақдим эшитиш ва муаммолар ечимини топиш қобилиятини ривожлантириш).

БАҲОЛАШ МЕЗОНИ

№	Баҳолаш турлари	Максимал балл	Баллар
1	Кейс	2,5	1,0 балл

II. МОДУЛНИ ЎҚИТИШДА ФОЙДАЛАНИЛАДИГАН ИНТРЕФАОЛ ТАЪЛИМ МЕТОДЛАРИ

“SWOT-таҳлил” методи.

Методнинг мақсади: мавжуд назарий билимлар ва амалий тажрибаларни таҳлил қилиш, таққослаш орқали муаммони ҳал этиш йўлларни топишга, билимларни мустаҳкамлаш, тақорлаш, баҳолашга, мустақил, танқидий фикрлашни, ностандарт тафаккурни шакллантиришга хизмат қиласди.



Намуна: Ирригацион режимда ишилайдиган ГЭСларнинг SWOT таҳлилини ушибу жадвалга туширинг.

S	Қайта тикланувчи энергия манбаларидан фойдаланишнинг афзаллик томонлари	Қайта тикланувчи энергия манбаларидан экологик тоза энергияси ишлаб чиқариш, ҳам ...
W	Қайта тикланувчи энергия манбаларидан фойдаланишнинг камчилик томонлари	Қайта тикланувчи энергия манбаларидан энергия ишлаб чиқарувчи қурилмалар фойдали иш коэффициентининг кичиклиги сабабли, ишлаб чиқарадиган энергия ...
O	Қайта тикланувчи энергия манбаларининг имкониятлари	Ўзбекистонда йилнинг 300 кунидан ортиғи күёшли кун бўлиба ...
T	Тўсиқлар (ташқи)	Ноанаънавий ва қайта тикланувчи энергия манбаларидан фойдаланиш тўғрисида қонун ишлаб чиқилмаганлиги

«ФСМУ» методи

Технологиянинг мақсади: Мазкур технология иштирокчилардаги умумий фикрлардан хусусий хулосалар чиқариш, таққослаш, қиёслаш орқали ахборотни ўзлаштириш, хулосалаш, шунингдек, мустақил ижодий фикрлаш қўникмаларини шакллантиришга хизмат қиласди. Мазкур технологиядан маъруза машғулотларида, мустаҳкамлашда, ўтилган мавзууни сўрашда, уйга вазифа беришда ҳамда амалий машғулот натижаларини таҳлил этишда фойдаланиш тавсия этилади.

Технологияни амалга ошириш тартиби:

Ф	• фикрингизни баён этинг
С	• фикрингизни баёнига сабаб кўрсатинг
М	• кўрсатган сабабингизни исботлаб мисол келтиринг
У	• фикрингизни умумлаштиринг

- қатнашчиларга мавзуга оид бўлган якуний хулоса ёки ғоя таклиф этилади;
- ҳар бир иштирокчига ФСМУ технологиясининг босқичлари ёзилган қоғозларни тарқатилади:

- иштирокчиларнинг муносабатлари индивидуал ёки грухий тартибда тақдимот қилинади.

ФСМУ таҳлили қатнашчиларда касбий-назарий билимларни амалий машқлар ва мавжуд тажрибалар асосида тез ва муваффақиятли ўзлаштирилишига асос бўлади.

Намуна.

Фикр: “Ирригация тизимларида ГЭСлар ишлаб чиқарадиган электр энергияси, иссиқлик электр станциялари ишлаб чиқарадиган электр энергиясига нисбатан афзал туради”.

Топшириқ: Мазкур фикрга нисбатан муносабатингизни ФСМУ орқали таҳлил қилинг.

“Хулосалаш” (Резюме, Веер) методи

Методнинг мақсади: Бу методмураккаб, кўптармоқли, мумкин қадар, муаммоли характердаги мавзуларни ўрганишга қаратилган. Методнинг моҳияти шундан иборатки, бунда мавзунинг турли тармоқлари бўйича бир хил ахборот берилади ва айни пайтда, уларнинг ҳар бири алоҳида аспектларда муҳокама этилади. Масалан, муаммо ижобий ва салбий томонлари, афзаллик, фазилат ва камчиликлари, фойда ва заарлари бўйича ўрганилади. Бу интерфаол метод танқидий, таҳлилий, аниқ мантиқий фикрлашни муваффақиятли ривожлантиришга ҳамда тингловчиларнинг мустақил ғоялари, фикрларини ёзма ва оғзаки шаклда тизимли баён этиш, ҳимоя қилишга имконият яратади. “Хулосалаш” методидан маъруза машғулотларида индивидуал ва жуфтликлардаги иш шаклида, амалий ва семинар машғулотларида кичик грухлардаги иш шаклида мавзу юзасидан билимларни мустаҳкамлаш, таҳлили қилиш ва таққослаш мақсадида фойдаланиш мумкин.

Методни амалга ошириш тартиби:



тренер-ўқитувчи иштирокчиларни 5-6 кишидан иборат кичик грухларга ажратади;



тренинг мақсади, шартлари ва тартиби билан иштирокчиларни таништиргач, ҳар бир грухга умумий муаммони таҳлил қилиниши зарур бўлган қисмлари туширилган тарқатма материалларни тарқатади;



ҳар бир грух ўзига берилган муаммони атрофлича таҳлил қилиб, ўз мулоҳазаларини тавсия этилаётган схема бўйича тарқатмага ёзма баён килади;



навбатдаги босқичда барча грухлар ўз тақдимотларини ўтказадилар. Шундан сўнг, тренер томонидан таҳлиллар умумлаштирилади, зарурий ахборотлр билан тўлдирилади ва мавзуякунланади.

Намуна:

Энергетик ва ирригацион режимда эксплуатация қилинадиган ГЭСлар			
Энергетик режимда		Ирригацион режимда	
афзаллиги	камчилиги	афзаллиги	камчилиги

“Кейс-стади” методи

«Кейс-стади» - инглизча сүз бўлиб, («case» – аниқ вазият, ходиса, «stadi» – ўрганмоқ, таҳлил қилмоқ) аниқ вазиятларни ўрганиш, таҳлил қилиш асосида ўқитишни амалга оширишга қаратилган метод ҳисобланади. Мазкур метод дастлаб 1921 йил Гарвард университетидан амалий вазиятлардан иктисадий бошқарув фанларини ўрганишда фойдаланиш тартибида қўлланилган. Кейсда очик ахборотлардан ёки аниқ воқеа-ҳодисадан вазият сифатида таҳлил учун фойдаланиш мумкин. Кейс ҳаракатлари ўз ичига қуидагиларни қамраб олади: Ким (Who), Қачон (When), Қаерда (Where), Нима учун (Why), Қандай/ Қанақа (How), Нима-натижа (What).

“Кейс методи” ни амалга ошириш босқичлари

Иш босқичлари	Фаолият шакли ва мазмuni
1-босқич: Кейс ва унинг ахборот таъминоти билан таништириш	якка тартибдаги аудио-визуал иш; кейс билан танишиш(матнли, аудио ёки медиа шаклда); ахборотни умумлаштириш; ахборот таҳлили; муаммоларни аниқлаш
2-босқич: Кейсни аниқлаштириш ва ўқув топшириғни белгилаш	индивидуал ва групда ишлаш; муаммоларни долзарблик иерархиясини аниқлаш; асосий муаммоли вазиятни белгилаш
3-босқич: Кейсдаги асосий муаммони таҳлил этиш орқали ўқув топшириғининг ечимини излаш, ҳал этиш йўлларини ишлаб чиқиши	индивидуал ва групда ишлаш; муқобил ечим йўлларини ишлаб чиқиш; ҳар бир ечимнинг имкониятлари ва тўсиқларни таҳлил қилиш; муқобил ечимларни танлаш
4-босқич: Кейс ечимини ечимини шакллантириш ва асослаш, тақдимот.	якка ва групда ишлаш; муқобил вариантларни амалда қўллаш имкониятларини асослаш; ижодий-лойиҳа тақдимотини тайёрлаш; якуний хулоса ва вазият ечимининг амалий аспектларини ёритиши

Кейс. Ирригация тизимларидағи кичик ва ўрта ГЭСларни эксплуатация қилиши шароитини мукаммал ўрганинг. Асосий муаммо ва кичик муаммоларга диққатингизни жалб қилинг.

Асосий муаммо: Ирригация тизимларидағи кичик ва ўрта ГЭСлар учун ҳисоб сув сарфини ўрнатиши.

Кейсни бажариш босқичлари ва топшириклар:

- Кейсдаги муаммони келтириб чиқарган асосий сабабларни белгиланг(индивидуал ва кичик групда).
- Ирригация тизимлари ишга тушириш учун бажариладагин ишлар кетма-кетлигини белгиланг (жуфтликлардаги иш).

“Ассесмент” методи

Методнинг мақсади: мазкур метод таълим олувчиларнинг билим даражасини баҳолаш, назорат қилиш, ўзлаштириш кўрсаткичи ва амалий кўнималарини текширишга йўналтирилган. Мазкур техника орқали таълим олувчиларнинг билиш фаолияти турли йўналишлар (тест, амалий кўнималар, муаммоли вазиятлар машқи, қиёсий таҳлил, симптомларни аниқлаш) бўйича ташҳис қилинади ва баҳоланади.

Методни амалга ошириш тартиби:

“Ассесмент” лардан маъруза машғулотларида тигловчиларнинг ёки қатнашчиларнинг мавжуд билим даражасини ўрганишда, янги маълумотларни баён қилишда, семинар, амалий машғулотларда эса мавзу ёки маълумотларни ўзлаштириш даражасини баҳолаш, шунингдек, ўзини баҳолаш мақсадида индивидуал шаклда фойдаланиш тавсия этилади. Шунингдек, ўқитувчининг ижодий ёндашуви ҳамда ўқув мақсадларидан келиб чиқиб, ассесментга қўшимча топшириқларни киритиш мумкин.

Намуна. Ҳар бир катакдаги тўғри жавоб 5 балл ёки 1-5 балгача баҳоланиши мумкин.



Тест

- 1. Қайта тикланувчи энергия манбаларининг қандай турлари мавжуд?
- А. Қуёш.
- В. Шамол



Қиёсий таҳлил

- Қуёш ва шамол энергиясидан фойдаланиш усулларини қиёсий таҳлил қилинг?



Тушунча таҳлил

- Қуёш ва шамол энергияларининг афзалликларини изоҳланг....
-



Амалий кўнимма

- Қуёш ва шамол энергоқурилмалари турини танланг

“Инсерт” методи

Методнинг мақсади: Мазкур метод тингловчиларда янги ахборотлар тизимини қабул қилиш ва билмларни ўзлаштирилишини енгиллаштириш мақсадида қўлланилади, шунингдек, бу метод тингловчилар учун хотира машқи вазифасини ҳам ўтайди.

Методни амалга ошириш тартиби:

- ўқитувчи машғулотга қадар мавзунинг асосий тушунчалари мазмуни ёритилган инпут-матнни тарқатма ёки тақдимот кўринишида тайёрлайди;
- янги мавзу моҳиятини ёритувчи матн таълим олувчиларга тарқатилади ёки тақдимот кўринишида намойиш этилади;
- таълим олувчилар индивидуал тарзда матн билан танишиб чиқиб, ўз шахсий қарашларини маҳсус белгилар орқали ифодалайдилар. Матн билан ишлашда тигловчилар ёки қатнашчиларга қуйидаги маҳсус белгилардан фойдаланиш тавсия этилади:

Белгилар	1-матн	2-матн	3-матн
“V” – таниш маълумот.			
“?” – мазкур маълумотни тушунмадим, изоҳ керак.			
“+” бу маълумот мен учун янгилик.			
“–” бу фикр ёки мазкур маълумотга қаршиман?			

Белгиланган вақт якунланғаң, таълим олувчилар учун нотаниш ва тушунарсиз бўлган маълумотлар ўқитувчи томонидан таҳлил қилиниб, изоҳланади, уларнинг моҳияти тўлиқ ёритилади. Саволларга жавоб берилади ва машғулот якунланади.

“Тушунчалар таҳлили” методи

Методнинг мақсади: мазкур метод тингловчилар ёки қатнашчиларни мавзу буйича таянч тушунчаларни ўзлаштириш даражасини аниқлаш, ўз билимларини мустакил равиша текшириш, баҳолаш, шунингдек, янги мавзу буйича дастлабки билимлар даражасини ташхис қилиш мақсадида қўлланилади.

Методни амалга ошириш тартиби:

- иштирокчилар машғулот қоидалари билан таништирилади;
- тингловчиларга мавзуга ёки бобга тегишли бўлган сўзлар, тушунчалар номи туширилган тарқатмалар берилади (индивидуал ёки гурӯхли тартибда);
- тингловчилар мазкур тушунчалар қандай маъно англатиши, қачон, қандай ҳолатларда қўлланилиши ҳақида ёзма маълумот берадилар;
- белгиланган вақт якунига етгач ўқитувчи берилган тушунчаларнинг тугри ва тулик изоҳини үқиб эшиттиради ёки слайд орқали намойиш этади;
- ҳар бир иштирокчи берилган тугри жавоблар билан узининг шахсий муносабатини таққослади, фарқларини аниқлайди ва ўз билим даражасини текшириб, баҳолайди.

Намуна: “Модулдаги таянч тушунчалар таҳлили”

Тушунчалар	Сизнингча бу тушунча қандай маънони англатади?	Қўшимча маълумот
Қайта тикланувчи энергия манбалари	Бирор жисм (қаттиқ, суюқ ва газ ҳолатида) ўз энергиясини, энергияни бошқа турга айлантирувчи мосламага узатиб яна ҳаракатда бўлган энергия манбаи.	
Шамол энергоқурилмалари Сув омборларидаги ГЭСлар	Шамолнинг механик энергиясини электр энергиясига айлантирувчи қурилма.	
Гидравлик таран	Сувнинг гидравлик зарби ҳисобига ишлайдиган қурилма.	

Изоҳ: учинчи устунчага қатнашчилар томонидан фикр билдирилади. Мазкур тушунчалар ҳақида қўшимча маълумот глоссарийда келтирилган.

“Блиц-ўйин” методи

Методнинг мақсади: Тингловчиларда тезлик, ахборотлар тизмини таҳлил қилиш, режалаштириш, прогнозлаш кўнимкамларини шакллантиришдан иборат. Мазкур методни баҳолаш ва мустаҳкамлаш максадида қўллаш самарали натижаларни беради.

Методни амалга ошириш босқичлари:

1. Дастреб иштирокчиларга белгиланган мавзу юзасидан тайёрланган топшириқ, яъни тарқатма материалларни алоҳида-алоҳида берилади ва улардан материални синчиклаб ўрганиш талаб этилади. Шундан сўнг, иштирокчиларга тўғри жавоблар тарқатмадаги «якка баҳо» колонкасига белгилаш кераклиги тушунтирилади. Бу босқичда вазифа якка тартибда бажарилади.

2. Навбатдаги босқичда тренер-ўқитувчи иштирокчиларга уч кишидан иборат кичик гурӯхларга бирлаштиради ва гурӯх аъзоларини ўз фикрлари билан гурӯҳдошларини таништириб, баҳслашиб, бир-бирига таъсир ўтказиб, ўз фикрларига ишонтириш, келишган ҳолда бир тўхтамга келиб, жавобларини «гурӯх баҳоси» бўлимига рақамлар билан белгилаб чиқиши топширади. Бу вазифа учун 15 дақиқа вақт берилади.

3. Барча кичик гурухлар ўз ишларини тутатгач, тўғри ҳаракатлар кетма-кетлиги тренер-ўқитувчи томонидан ўқиб эшилтирилади, ва тингловчилардан бу жавобларни «тўғри жавоб» бўлимига ёзиш сўралади.

4. «Тўғри жавоб» бўлимида берилган рақамлардан «якка баҳо» бўлимида берилган рақамлар таққосланиб, фарқ булса «0», мос келса «1» балл қўйиш сўралади. Шундан сўнг «якка хато» бўлимидаги фарқлар юқоридан пастга қараб қўшиб чиқилиб, умумий йигинди ҳисобланади.

5. Худди шу тартибда «тўғри жавоб» ва «гуруҳ баҳоси» ўртасидаги фарқ чиқарилади ва баллар «гуруҳ хатоси» бўлимига ёзиб, юқоридан пастга қараб қўшилади ва умумий йигинди келтириб чиқарилади.

6. Тренер-ўқитувчи якка ва гуруҳ хатоларини тўплланган умумий йигинди бўйича алоҳида-алоҳида шарҳлаб беради.

7. Иштирокчиларга олган баҳоларига қараб, уларнинг мавзу бўйича ўзлаштириш даражалари аниқланади.

«Шамолдан энергия олии жараёни» кетма-кетлигини жойлаштиринг. Ўзингизни текишириб кўринг!

Ҳаракатлар мазмуни	Якка баҳо	Якка хато	Тўғри жавоб	Гуруҳ баҳоси	Гуруҳ хатоси
Шамол тезлиги йил бўйи катта бўлган худуни танлаш					
Шамол оқими худудининг ўлчамлари, шамол оқимининг ва шамол энергоқурилмасининг қувватини ҳисоблаш					
Аниқланган қувватга нисбатан энергоқурилма турини танлаш.					
Энергоқурилмани жихозлар билан таъминлаш ва ишга тушириш.					

“Брифинг” методи

“Брифинг”- (инг. briefing-қисқа) бирор-бир масала ёки саволнинг муҳокамасига бағишлиланган қисқа пресс-конференция.

Ўтказиш босқичлари:

Тақдимот қисми.

Муҳокама жараёни (савол-жавоблар асосида).

Брифинглардан тренинг якунларини таҳлил қилишда фойдаланиш мумкин. Шунингдек, амалий ўйинларнинг бир шакли сифатида қатнашчилар билан бирга долзарб мавзу ёки муаммо муҳокамасига бағишлиланган брифинглар ташкил этиш мумкин бўлади. Тигловчилар ёки тингловчилар томонидан яратилган мобил иловаларнинг тақдимотини ўтказишда ҳам фойдаланиш мумкин.

III. НАЗАРИЙ МАШҒУЛОТЛАР МАТЕРИАЛЛАРИ

1 -мавзу: Ноанаънавий ва қайта тикланувчи энергия манбалари.

Режа:

Кириш

1. Қайталанувчи, қайталанмайдиган ҳамда анаънавий ва ноанаънавий энергия манбалари.

2. Ноанаънавий ва қайталанувчи энергия манбалари ҳамда уларнинг дунё мamlакатларида кўлланилаётган турлари.

3. Қайта тикланувчи энергия манбалари ҳисобига ишлаётган дунёдаги энг катта электр станциялари:

1.3.1 Дунёда энг катта қувватли гидроэлектростанция.

1.3.2 Дунёда энг катта қувватли шамол электростанцияси.

1.3.3 Дунёдаги энг катта, сув сатҳнинг кўтарилиб-тушиш принципи асосида ишлайдиган гидроэлектростанция.

1.3.4 Дунёдаги энг катта тўлқинлар электростанцияси.

1.3.5 Дунёдаги энг катта қуёш электростанцияси.

1.3.6 Дунёдаги энг катта геотермал электростанция.

1.3.7 Дунёдаги энг катта биомасса ёқувчи электростанция.

4. Ўзбекистонда мавжуд бўлган ноанаънавий ва қайта тикланувчи энергия манбалари.

Таянч иборалар: энергия манбалари; органик ёқилгилар; экологик тоза энергия; қайталанмайдиган ва қайталанадиган энергия манбалари; анаънавий ва ноанаънавий энергия манбалари; гидроэнергетика(ўрта-, кичик- ва микрогидроэнергетика); қуёш энергияси; шамол энергияси; тўлқинлар энергияси; сув сатҳлариниг кўтарилиб-тушиш энергияси; уммон ва денгизлардаги ҳар хил оқимлар энергияси; геотермал сувлар ва гейзерлар энергияси; биомасса энергияси; шаҳар чиқиндилари энергияси;

Кириш

Инсон таъсири натижасида дунё ўзгармоқда. Инсониятнинг органик энергетик ресурсларни ўйламасдан энергетикада, транспортда, катта завод ва фабрикаларда қўллаши, атом энергетикаси ҳамда катта шаҳарлар чиқиндиларини дунё уммонига ташланиши натижасида атроф-муҳит ўзгармоқда. Ер юзида иқлиминг ўзгариши кузатилмоқда, мангу музликлар эримоқда, шаҳарлар сув остида қолмоқда, ўрмонлар ёнмоқда. Ер юзининг жуда кўп мамлакатларида инсонларни ичимлик сувининг етишмаслиги, курсоқчилик ва очарчилик қийнамоқда, янги-янги касалликлар пайдо бўлмоқда. Юқорида келтирилган салбий ўзгаришларнинг барчаси, миллионлаб йиллар табиат томонидан ўрнатилган табиий мувозанатни инсоният томонидан ўйламасдан бузилиши натижасида юз бермоқда. Шунинг учун ҳам улуғ инглиз файласуфи Френсис Бэкон «Табиат фақатгина унга бўйсуниш билан енгилади» деган эди.

1.1 Қайталанувчи, қайталанмайдиган ҳамда анаънавий ва ноанаънавий энергия манбалари

Атроф -муҳитга зарар келтирмай инсоният хизматини бажарадиган энергия, табиатда мавжуд бўлган экологик тоза табиий энергиялардир. Бу энергия турларига сув, қуёш, шамол, геотермал сувлар, гейзерлар, тўлқинлар, сув сатҳининг кўтарилиб-тушиши, вулқонлар, чақмоқлар, уммон ва денгизлардаги ҳар хил оқимлар, биомасса, водород ёқилғиси, шаҳар чиқиндилари, фотосинтез; фотоэлектрик ўзгартирувчилар, химик (галваник) элементлар ҳамда бошқалар кириши мумкин. Мана шу энергия турларига ноанаънавий ва қайталанувчи энергия

манбалари дейилади. Фақатгина юқорида қўрсатилган энергия манбаларидан тоза экологик энергия ишлаб чиқариш мумкин

Мамлакатимизда биринчи бўлиб қайталанувчи энергия манбаларидан бири бўлган сув энергиясидан фойдаланиш, 1926 йили қурилган Бўзсув гидроэлектростанциясини ишга туширишдан бошланди Ўтган асрнинг 1987 йилида эса, 3000°C дан ортиқ иссиқлик тўплайдиган дунёда энг катта қуёш печи ишга туширилди. Ҳозирги кунда мамлакатимизнинг Самарқанд вилоятида 400 гектар майдонга қуввати 100 000 МВт га тенг қуёш электростанцияси учун Осиё тараққиёт банкининг инвестициялари киритилди ва қурилиш ишлари бошлаб юборилди. Кичик қувватли қуёш энергетик қурилмаларидан республикамизнинг барча бурчакларида фойдаланилмоқда. Шамол энергиясидан фойдаланиш назарияси ва усуллари 1950 йилларда ишлаб чиқилган бўлиб, Республикаизда биринчи шамол энергетик қурилмаларидан 1983 йилда, Навоий вилояти Томди тумани чорвадорлари фойдалана бошлашди. Чорва молларининг гўнги, қишлоқ хўжалик маҳсулотларининг қолдиқлари ҳисобига биогаз ишлаб чиқариш ва ундан фойдаланиш эса, 1987 йиллардан бошлаб амалга оширила бошлади.

Мамлакатимизда ноанаънавий ва қайти тикланувчи энергия манбаларига қизиқиши ва улардан фойдаланиш, мисли қўрилмаган тусда ўзига хос равишда тобора оммалашиб бормоқда. Ноанаънавий ва қайти тикланувчи энергия манбаларига энергетик объектлар қуриш ва улардан фойдаланиш учун чет эл ва халқаро банкларнинг инвестициялари киритилмоқда. Ноанаънавий ва қайти тикланувчи энергия манбаларидан фойдаланиш тўғрисида Президентимизнинг 1995 йил 28 декабрдаги 476-сонли «Ўзбекистон Республикасида кичик гидроэнергетикани ривожлантириш ҳақида»ги, 2001 йил 22 февралда «Энергетикада иқтисодий ислоҳатларни чуқурлаштириш тўғрисида»ги ҳамда 2013 йил 1 марта «Муқобил энергия манбаларини янада ривожлантириш чора-тадбирлари тўғрисида»ги фармонлари қабул қилинди

Қайталанувчи энергия манбалари. Бирор жисм (қаттиқ, суюқ ва газ ҳолатида) ўз энергиясини, энергияни бошқа турга айлантирувчи мосламага узатиб яна ҳаракатда бўлса ҳамда ўз энергиясини узатиб ўзи йўқолиб кетмаса бундай манба қайта тикланувчи энергия манбаи дейилади (шамол, қуёш, сув сатҳининг кўтарилиб тушиши, тўлқинлар, кичик- ва мини- ҳамда микро ГЭСлар, геотермал, космик, биоёқилғи, водород ва квант).

Қайталанмайдиган энергия манбалари. Органик ёқилғилардан бир марта фойдаланилгандан сўнг ундан қайта фойдаланиб булмайди. Шунинг учун уларни қайталанмайдиган энергия манбалари ҳам деб аталади (органик ёқилғилар-нефть маҳсулотлари, тошкўмир ва бошқа ҳар хил қаттиқ ёқилғилар, газ, атом ва бошқалар).

Анаънавий энергия манбалари. Амалий жиҳатдан бошқа энергия турларига караганда электроэнергия олиш осон ва ишлаб чиқилган электроэнергияни узоқ масофаларга узатиш имкони бўлган манбаларига анаънавий энергия манбалари дейилади (органик ёқилғилар-нефть маҳсулотлари, тошкўмир ва бошқа ҳар хил қаттиқ ёқилғилар, газ, атом ва бошқалар).


Ноанаънавий энергия манбалари. Органик ёқилғиларда ишлайдиган анаънавий энергия манбалари ўрнини босиб электр энергияси (ёки бошқа зарур турдаги энергия) олиш имконини берадиган, ҳозирча кенг қўлланилмайдиган усул, қурилма ёки иншоотларга ноанаънавий энергия манбалари дейилади (шамол, қуёш, сув сатҳининг кўтарилиб тушиши, тўлқинлар, кичик- ва мини- ҳамда микроГЭСлар, геотермал, космик, биоёқилғи, водород ва квант).

1.2 Ноанаънавий ва қайталанувчи энергия манбалари ҳамда уларнинг дунё мамлакатларида қўлланилаётган турлари.

Ҳозирги кунда энергия истеъмол қилувчи барча соҳаларнинг органик ёқилғилардан фойдаланиши туфайли атроф мухит ифлосланмоқда. Натижада табиатнинг флора ва фаунасида салбий ўзгаришлар юз бермоқда. Одамлар ва ҳайвонот дунёсида ҳар хил янги турдаги касалликлар пайдо бўлмоқда. Шунинг учун инсоният олдида турган жиддий муаммолардан бири, барча турдаги энергия истеъмол қилувчиларни тоза экологик энергия билан таъминлаштир.

Экологик тоза энергияни фақатгина табиатда мавжуд бўлган энергия манбаларидан олиш мумкин. Шунинг учун бундай манбаларни ноанаънавий ва қайталанувчи энергия манбалари дейилади. Ҳозирги кунда дунёning барча ривожланган мамлакатларда энергиянинг бундай турларидан фойдаланиб ҳар хил энергия турларини ишлаб чиқаришга киришилган (1-расм).

Дунёдаги ривожланган малакатлар фойдаланаётган ноанаънавий ва қайталанувчи энергия манбалари турларига қўйидагиларни киритиш мумкин: -кўёш энергияси; шамол энергияси; гидроэнергетика(ўрта-, кичик- ва микро-гидроэнергетика); тўлқинлар энергияси; сув сатҳлариниг кўтарилиб тушиш энергияси; уммон ва денгизлардаги ҳар хил оқимлар энергияси; геотермал сувлар ва гейзерлар энергияси; биомасса энергияси; шаҳар чиқиндилари энергияси; чорвачилик ва паррандачилик фермалари чиқиндилари энергияси; ер остидан иссиқлик насослари орқали олинадиган энергия.



1.1 -расм. Жаҳонда энергия етказиб бериш схемаси.

1.3 Қайта тикланувчи энергия манбалари ҳисобига ишлайтган дунёдаги энг катта электр станциялари

1.3.1 Дунёда энг катта қувватли гидроэлектростанция.

Хитойнинг Янзи дарёсидаги «Three Gorges Dam (Три ущелья) -Уч дара» тўғонига курилган, қуввати 22,4 ГВт га тенг ГЭС, дунёдаги энг қувватли ҳисобланади (2 -расм). Ўзбекистон Республикасида энг қувватли гидроэлектростанцияларга қуйидагилар киради: Чорвоқ ГЭСи -600 МВт; Андижон ГЭСи – 190МВт; Туямўйин ГЭСи – 150 МВт; Фарҳод ГЭСи – 126 МВт.



1.2-расм. Дунёдаги энг катта Уч дара гидроэлектростанцияси

Хитойнинг Янзи дарёсидаги «Three Gorges Dam (Три ущелья) -Уч дара» тўғонига қурилган, қуввати 22,4 ГВт га тенг ГЭС, дунёдаги энг қувватли ҳисобланади (2 -расм). Ўзбекистон Республикасида энг қувватли гидроэлектростанцияларга куйидагилар киради: Чорвоқ ГЭСи -600 МВт; Андижон ГЭСи – 190МВт; Туямўйин ГЭСи – 150 МВт; Фарход ГЭСи – 126 МВт.

1.3.2 Дунёда энг катта қувватли шамол электростанцияси.

2009 йилнинг кузида «E.ON Climate and Renewables» компанияси томонидан АҚШнинг Техас штати марказий қисмида жойлашган Роско шахри ёнида, дунёда энг қувватли «Roscoe Wind Farm» шамол энергоқурилмалари парки ишга туширилди. «Roscoe Wind Farm» шамол энергоқурилмалари паркидаги ҳар бирининг қуввати 1,25 МВт бўлган 627 шамол энергоқурилмалари, 400 км² майдонга ўрнатилган бўлиб, умумий қуввати 781,5 МВт га тенг (1.3-расм).




1.3 -расм. Энг катта қувватли шамол электростанцияси.

1.3.3 Дунёдаги энг катта, сув сатхнинг кўтарилиб -тушиш принципи асосида ишлайдиган гидроэлектростанция.

Дунёда энг биринчи ва энг катта сув сатхнинг кўтарилиб -тушиш принципи асосида ишлайдиган гидроэлектростанция, 1967 йилда Франциядаги Ранс дарёсининг уммонга қуилиш

жойига қурилган. Бу ерда сув сатҳи кўтарилиб-тушишининг ўртача миқдори 8 м ни, максимал миқдори 12 м ни ташкил қиласди.



1.4 -расм. Сув сатҳниң кўтарилиб -тушиш принципи асосида ишлайдиган энг катта гидроэлектростанция.

Гидроэлектростанцияда оғирлиги 470 тонна, диаметри 5,35 м ли 24 дона генератор ўрнатилган бўлиб, ҳар бири 10 МВт дан ҳаммаси бўлиб 240 МВт электроэнергия ишлаб чиқаради (1.4 -расм).

1.3.4 Дунёдаги энг катта тўлқинлар электростанцияси.

Дунёдаги энг катта тўлқинлар электростанцияси, Португалияниң қирғоқ бўйида жойлашган Повуа-де-Варзин шаҳари яқинида 2011 йилда ишга туширилди (1.5 - расм). Электростанция ярми сувга тўлдирилган илонга ўхшайди. Унинг узунлиги 150 м ни ва кенглиги 3,5 м ни ташкил қиласди.



1.5 -расм. Дунёдаги энг катта тўлқинлар электростанцияси

Тўлқинлар уларни ҳаракатга келтириб тебратади ва тебранишлар энергияга айлантирилади. Ҳар бир турбина 0,75 МВт электроэнергия ишлаб чиқаради. Ҳозирда умумий қиймати 13 млн. долларга ва қуввати 2,25 МВт га teng 3 дона қурилма ўрнатилган. Кейинчалик унинг қуввати 21 МВт га оширилади. Умуман бундай қурилмаларнинг қувватини 1 ГВт га етказиш мумкин.

1.3.5 Дунёдаги энг катта қуёш электростанцияси.

Қуёш энергиясини ўзлаштириш тизими -Solar Energy Generating Systems (SEGS), бугунги кунда дунёда қуёш энергиясини ўзлаштирувчи энг катта тизим ҳисобланади. АҚШнинг Калифорния штатидаги Мохава сахросида жойлашган.



1.6 -расм. Дунёдаги энг катта қуёш электростанцияси.

Қуёш энергиясини ўзлаштириш тизими -Solar Energy Generating Systems (SEGS), бугунги кунда дунёда қуёш энергиясини ўзлаштирувчи энг катта тизим ҳисобланади. АҚШнинг Калифорния штатидаги Мохава сахросида жойлашган.

Тизим 9 дона қуёш электростанцияларидан иборат бўлиб, улардан 6 донасининг қуввати 180 МВт(ҳар бири 30 МВт)ни; 2 донасининг қуввати 160 МВт (ҳар бири 80 МВт)ни ҳамда 1 дона 14 МВт ни; ҳаммаси бўлиб 354 МВт ни ташкил қилади. Ушбу электростанциялар учун 6,5 км² жойлашган 936 384 дона пароболик концентратор(қуёш энергиясини йигувчи)лар ўрнатилган (1.6-расм).

1.3.6 Дунёдаги энг катта геотермал электростанция.

The Geysers – энг катта геотермал энергия тўпланган жой, АҚШнинг Калифорния штатидан 116 км узоқликда жойлашган. Бу ерда жойлашган 18 дона геотермал электростанциялар 2000 МВт қувват ишлаб чиқаради (1.7-расм).



1.7-расм. Дунёдаги энг катта геотермал электростанцияси.

Геотермал электростанциялар жойлашган худуд 78 км² ни ташкил қилади. Ишлаб чиқарилаётган электроэнергия Калифорния штатининг жанубида жойлашган истеъмолчиларнинг 60% эҳтиёжини қоплайди.

1.3.7 Дунёдаги энг катта биомасса ёқувчи электростанция.

«Alholmens Kraft Ab» номли Финландия компанияси 550 МВт иссиқлик энергиси ҳамда 240 МВт электроэнергия ишлаб чиқарувчи дунёдаги энг катта биомасса ёқувчистанциянишга туширди. Станция асосан ёғоч қолдиқлари ва торф ёқилғиларидан фойдаланади (1.8 -расм).




1.8 -расм. Дунёдаги энг катта биомасса ёқувчи станциянинг кўриниши.

Станция 1 соатда 1000 м^3 биоёқилғини ёқиб энергия олади. Ёқилғи ёқиладиган қозоннинг пастги (асоси) диаметри 8,5 м ва 40 м баландликдаги юқори диаметри 24 м ни ташкил қиласди. Станцияни биоёқилғи билан таъминлаш учун 1 кунда 120 дона юқ ташиш машиналаридан фойдаланилади. Станция ёқилғи сифатида тошкўмирдан ҳам фойдаланиши мумкин.


Хозирги кунда инсоният томонидан ноанањавий ва қайта тикланувчи энергия манбаларидан энергия ишлаб чиқарувчи хилма-хил қурилмалар ҳамда усуслар ишлаб чиқилмоқда. Оддий сув ва шамол ғилдиракларидан фойдаланиб энергия олишдан бошланган ушбу йўналишда, квантли тезлатгичлар билан жиҳозланган турбиналардан фойдаланилмоқда **4 Ўзбекистонда мавжуд бўлган ноанањавий ва қайта тикланувчиэнергия манбалари.**

Хозирги кунда жамиятнинг ривожланишини унинг энергия билан таъминланганилиги белгилайди. Аммо энергия истеъмолининг кундан-кунга ошиб бориши ҳамда уни ишлаб



1.9 -расм. Республикамизда ишлаб чиқарилаётган электроэнергиянинг миқдори


чиқариш учун органик ёқилғилардан фойдаланиш, атроф-муҳитни глобал ифлосланишига олиб келмоқда ва натижада инсоният ҳаётига жиддий хавф солмоқда. Шунинг учун ҳозирги кун энергетикасининг долзарб масалаларидан бири, экологик тоза, қайта тикланадиган энергия манбаларидан фойдаланишdir.



1.10 - расм.Ўзбекистонда қайта тикланадиган энергия манбаларининг техник имкониятлари схемаси.

Бугунги кунда республикамизда ишлаб чиқарилаётган электроэнергиянинг 84,7% органик ёқилғилардан фойдаланадиган иссиқлик электростанцияларида ишлаб чиқарилади. Умумий ишлаб чиқариладиган энергияга нисбатан атиги 14,5% электроэнергия ГЭСлар ёрдамида ишлаб чиқарилади (1.9-расм). Келажақда Ўзбекистон Республикасида қайталанувчи энергия манбаларидан қуидаги миқдорда фойдаланилади (1.10-расм).

- қүёш энергиясидан 98,8 % ;
- гидроэнергетикадан 1,0 % ;
- шамол энергиясидан 0,2 % .



1.11 -расм. Қайталанувчи энергия манбаларидан фойдаланиш бўйича Ўзбекистонда бажарилаётган лойиҳалар.

1.1-жадвалда Ўзбекистон Республикаси худудидаги энг муҳим қайталанувчи энергия манбаларининг турлари ва миқдорлари келтирилган.

1.1-жадвал.

Ўзбекистон Республикаси худудидаги энг муҳим қайталанувчи энергия манбаларининг турлари ва миқдорлари (млн.т.н. э.)

Қайталанувчи энергияманбалари турлари	Ялпи потенциал		Техник потенциал		Ўзлаштирилган	
	млн.т.н.э	МВт с	млн.т.н.э	МВт с	млн.т.н.э	МВт с
Қүёш энергияси	50973	$592,9 \times 10^9$	176,8	$2,08 \times 10^9$	-	-
Шамол энергияси	2,2	$25,6 \times 10^6$	0,4	$4,7 \times 10^6$	-	-
Гидроэнергия	9,2	107×10^6	1,8	21×10^6	0,6	7×10^6
Биомасслар энергияси	10,8	$125,7 \times 10^6$	4,7	$54,7 \times 10^6$	-	-
Геотермал сув энергияси	0,4	$4,7 \times 10^6$	-	-	-	-
ЖАМИ	50984,6	593×10^9	179,0	$2,1 \times 10^9$	0,6	7×10^6

Ҳозирги кунда Ўзбекистонда қайталанувчи энергия манбаларидан фойдаланиш бўйича жуда кўп илмий-тадқиқот, лойиҳа ҳамда қуриб ишга тушириш ишлари халқаро грантлар ва лойиҳалар асосида бажарилмоқда (1.11-расм).

Назорат саволлари:

1. Ер юзидаги экологик ҳолатни қандай баҳолайсиз?
2. Анаънавий ва қайталанмайдиган ҳамда ноанаънавий ва қайталанувчи энергия манбалари турлари таркибиға қайси энергия манбалари киради?
3. Дунё малакаталарида ноанаънавий ва қайталанувчи энергия манбаларининг қайси турларидан фойдаланилади?
4. Дунёда энг катта қувватли гидроэлектростанция, энг катта қувватли шамол электростанцияси, энг катта, сув сатҳнинг кўтарилиб -тушиш принципи асосида ишлайдиган гидроэлектростанция ва энг катта тўлқинлар электростанциялари қайси мамалакаталарда жойлашган?
5. Дунёдаги энг катта күёш электростанцияси, энг катта геотермал электростанция ваэнг катта биомасса ёкувчи электростанция қайси мамалакаталарда жойлашган?
6. Ўзбекистонда қайси ноанаънавий ва қайта тикланувчи энергия манбаларидан кўпроқ фойдаланиш мумкин?

Фойдаланилган адабиётлар.

1. Advenced Rene-wable Energy Sources Cambridge, UK, 2012 (English). -520 p.
2. Имомов Ш.Ж. и другие. Альтернативное топливо на основе органике. “Фан”, Ташкент, 2013. -260 с.
3. Majidov T.SH. Noana’naviy va qayta tiklanuvchi energiya manbalari. Darslik, “Voris” nashriyoti, Toshkent, 2014. -168 b.

2- мавзу: Ўзбекистонда ва дунёда гидроэнергетиканинг ривожланиши.

Режа:

- 2.1. Ўзбекистонда ва дунёда гидроэнергетиканинг ривожланиш тарихи.
- 2.2. Гидроэнергетиканинг ҳозирги ҳолати ва келажақдаги ривожланиш истиқболи.
- 2.3. Ирригация тармоқларидағи кичик ва ўрта гидроэлектростанциялар.


Таянч иборалар: гидроэнергетика; гидрокуч қурилмалари; гидротурбина; гидрогенератор; «Средазгидропроект»; Чирчиқ-Бўзсув ирригацион-энергетик тракт; «Суввойиҳа»; ирригация тармоқлари; назарий, техник, соф гидроэнергетик потенциал; «Узбекэнерго»; ўрта ва кичик ГЭС; микрогидроэнергетика; энергетик режим; ирригацион режим.

2.1 Ўзбекистонда ва дунёда гидроэнергетиканинг ривожланиш тарихи.

Баланддан тушиб сув ғилдирагини айлантираётган сув энергиясидан қадим замонлардан тегирмон тошларини айлантиришда ва бошқа мақсадларда қўлланилган. Биринчи марта 1882 йилда ГЭСларда, сув энергиясидан электрэнергия ишлаб чиқаришда фойдаланилган. Гидроэнергетик қурилмани ишлаш тарзи жуда содда. Юқоридан тушаётган сувнинг кинетик энергияси ёки димланган сувнинг потенциал энергияси электрогенераторга уланган турбина валини айлантиришда фойдаланилади (2.1-расм).

Таниқли олимлардан Д.Бернулли, Я.Сегнер ва Л.Эйлерлар янги турдаги сув ғилдиракларининг назариясини ишлаб чиқдилар. Шундан сўнг олимлар томонидан янги турдаги гидрокуч қурилмаларининг жуда кўп конструкциялари ишлаб чиқилди ва улар

гидравлик турбиналар деб атала бошлади. Гидравлик турбиналар, гидрокуч қурилмалари -сув ғилдиракларига нисбатан ихчамлиги ва қувватлироқлиги билан ажралиб турарди.



2.1 -расм. Гидроагрегат: 1 -гидротурбина; 2 - гидрогенератор.

Биринчи реактив гидравлик турбина, 1837 йили рус гидротехники И.Е Сафонов томонидан тайёрланди. Унинг ФИК 53% га, кейинчалик қурилган ушбу турдаги турбинанинг ФИК 70% га етказилди. 1881 йили Пелтон актив (чўмичли) турбинанинг конструкциясини ишлаб чиқди. Аммо бу турбиналар ҳам ўзлари ҳосил қилган механик энергияни истеъмолчиларга узатар эди. Ҳали гидравлик энергияни механик энергияга сўнгра электр энергияга айлантириб истеъмолчига узатиш ишлаб чиқилган эмас эди.

1887 йили Ф.А Пироцкий биринчи марта гидроэлектростанциялар тўғрисидаги ғоясини эълон қилди. Аммо ҳали ўзгарувчан электр токи ишлаб чиқишга ва уни узоқ масофаларга узатиш йўлга қўйилмаган эди.

1888 йили рус инженери М.О.Доливо-Добровольский уч фазали ток тизимини яратди. 1891 йили эса у, Германиядаги Неккар дарёсига гидрокуч қурилмасини ўрнатиб, 300 от кучига тенг қувватни 175 км га узатишга мувофик бўлди. 1891 йилда Петербургда, Нева дарёсининг ирмоғи Охта дарёсидаги ГЭСга 120 ва 175 кВт қувватли генераторлар ўрнатилди. Шундай қилиб бутун дунёда, сув оқимининг гидравлик энергиясини механик энергияга айлантириб берувчи гидротурбиналарга уланган гидрогенераторлар орқали, узоқ масофаларга узатиш мумкин бўлган уч фазали электр токи ишлаб чиқариш йўлга қўйилди.

Мамлакатимиз худудида бундан 3000 йиллар аввал ҳам, сув энергиясидан тегирмон тошларини айлантирувчи сув ғилдиракларини ҳаракатга келтиришда, чархпалак шаклидаги сув ғилдираклари билан юқорига сув кўтаришда фойдаланиб келинган. Сув манбаларига электр станциялари -ГЭСлар қуриб электр энергияси ишлаб чиқариш 1926 йилдан бошланган. Юртимизда гидроэнергетиканинг ривожланишини 7 босқичга бўлиш мумкин.

Биринчи босқич (1923-1941 йиллар). Марказий Осиёда биринчи бўлиб Тошкент шаҳридан ўтадиган Бўзсув каналига 4 000 кВтҳсоат қувватга эга бўлган Бўзсув ГЭСи қурилиши бошланди. Бўзсув ГЭСи 1926 йили 1 майда ишга туширилди. 1930 йилда Бўзсув каналида 13 000 кВтҳсоат қувватли Қодрия ГЭСининг қурилиши бошланди ва 1933 йили ишга туширилди.

Иккинчи босқич(1941-1950 йиллар). Ушбу босқич Марказий Осиё энергетикаси, хусусан Ўзбекистон энергетикаси учун ҳам энг масъулиятли даврлардан бири бўлди. Чунки иккинчи жаҳон уруши бошланиши билан жуда кўп мудофаа корхоналари Ўзбекистонга

кўчириб келтирилди. Уларни жуда қисқа вақт ичида ишга тушириб, фронт учун қурол -аслаҳа ишлаб чиқаришни йўлга қўйиш зарур эди. Мудофаа корхоналарини ишга тушириш учун эса катта миқдорда энергия талаб қилинарди. Шунинг учун Ўзбекистонда жуда қисқа вақт ичида Чирчиқ-Бўзсув сув йўлида ва бошқа сув йўлларида кўплаб ГЭСлар лойиҳа қилинди ва қурилди.

Учинчи босқич (1951-1960 йиллар). Бу босқичнинг охирига келиб, текисликда жойлашган дарёларнинг деярли ҳаммасига қурилиши мумкин бўлган ГЭСлар қуриб бўлинди.

Тўртинчи босқич (1961-1970 йиллар). Тўртинчи босқичда Марказий Осиёдаги гидроэнергетик қурилишлар, дунё амалиётида мисли қўрилмаган натижаларга эришди. Баланд тўғонли ГЭСлар қурилиши бошланди. Амударёнинг Вахш ирмоғига дунёда энг баланд -300 м ли, тупроқ тўғонли, қуввати 2 700 000 кВтҳсоат га тенг Нурек ГЭСи, Сирдарёнинг асосий ирмоғи - Норин дарёсига тўғонининг баландлиги 215 м бўлган, 1 200 000 кВтҳсоат қувватга тенг Тохтағул ГЭСи ҳамда Чирчик дарёсига тўғонининг баландлиги 168 м бўлган 600 000 кВтҳсоат қувватга тенг Чорвоқ ГЭСи қурилиши бошлаб юборилди.

Бешинчи босқич (1971-1980 йиллар). Бу босқич Марказий Осиёнинг улкан гидроузелларида ҳали тўлиқ қуриб битказилмаган тўғонлардаги биринчи агрегатларни паст босимларда ишга туширишни нишонлашдан бошланди. 1971 йилнинг бошида Чорвоқ ГЭСи, 1972 йилнинг охирида Нурек ГЭСи ва 1975 йилнинг бошида Тохтағул ГЭСларининг биринчи агрегатлари ишга туширилди. 1972 йилнинг июль ойида Чорвоқ ГЭСининг 600 000 кВтҳсоат қувватга тенг тўртала агрегати ҳам ишга туширилди.

Олтинчи босқич (1980-1991 йиллар). Ушбу босқичда қурилаётган ГЭСлардаги ишлар тугатилиб улар ишга туширилди. Асосан, эксплуатация қилинаётган ГЭСларни узлуксиз ишлашини таъминлаш учун таъмирлаш ва реконструкция қилиш ишлари бажарилиб турди.

Еттинчи босқич (1991 йилдан ҳозирги кунгача). Мамлакатимиз мустақиллика эришгандан сўнг, халқ хўжалигини энергияга бўлган талабини қондириш ҳамда экологик тоза энергия ишлаб чиқариш учун, ирригация тармоқларидаги сув объектларига кичик ва ўрта ГЭСлар қуриш режалаштирилди. Ушбу босқич бўйича ҳозирги кунда ирригация тармоқлари - магистрал, хўжаликлараро ва ички хўжалик тармоқларидаги каналлар, коллектор-зовур тизимлари, сув омборлари, сел-сув омборлари, сойлар, булоқлар ва бошқаларга кичик ва ўрта ГЭСларни қуриш учун лойиҳа-қидирув, лойиҳа, қуриш, таъмирлаш, реконструкция қилиш ишлари давом эттирилмоқда.

2.2 Ўзбекистонда гидроэнергетиканинг ҳозирги ҳолати ва келажакдаги ривожланиш истиқболи.

Мамлакатимиз ҳудуди асосан тог олди ва текислик районларида жойлашган. Шунинг учун бу ҳудудларда катта ГЭСлар қуришнинг имкони йўқ. Чунки катта ГЭСларни доимий ишлаши учун дарёларга тўғонлар қуриш ҳамда ҳосил бўлган сув омборларида жуда катта сув ҳажмини йиғиш зарур. Натижада жуда катта ҳудудлар сув остида қолиб кетади (2.2-расм).


Республикамиз аграр мамлакат бўлганлиги ва у арид зонасида жойлашганлиги сабабли, қишлоқ хўжалик экинларидан суформа дехқончилик ёрдамида ҳосил олинади. Экинларга ишонарли сув етказиб бериш, ерларни мелиоратив ҳолатини қониқарли ушлаб туриш учун далаларда ўта мураккаб ирригация ва мелиорация тармоқлари мавжуд. Суфориш учун мўлжалланган 4297,6 га ерларга сув етказиб бериш учун мамлакатимиз ирригация тизимларида, жами узунлиги 27,9 минг км бўлган каналлар, шундан 5650 км йирик магистрал ва 21730 км хўжаликлараро каналлар ва улардаги 27372 дона гидротехник иншоотлар мавжуд. Бундан ташқари, 154,9 минг км узунликдаги ички суфориш тармоқлари, ҳажми 20 млрд. м³ га яқин

бўлган 56 дона сув омборлари, 125 донадан ортиқ сел-сув омборлари эксплуатация қилинади. Бундан ташқари, тоғ ва тоғ олди худудларда, баланд шаршарали юзлаб сой ва булоқлар мавжуд.

1990-1992 йилларда, собиқ Мелиорация ва сув хўжалиги вазирлигининг топшириғига асосан, «Суввойиха» институти «2010 йилгача Ўзбекистон Мелиорация ва сув хўжалиги вазирлиги тизимида кичик ГЭСларни ривожлантириш схемаси»ни ишлаб чиқди. Ишлаб чиқилган схемага асосан юқорида келтирилган ирригация тизимларида 143 дона кичик ГЭСлар куриб, йилига $3,96 \div 4,5$ млрд. кВтхсоат электроэнергия ишлаб чиқариш режалаштирилган эди. Ушбу режада ҳар бир ирригация тизимидағи энергетик нуқталар аниқланиб, шу нуқталарнинг гидравлик ва энергетик характеристикалари кўрсатиб берилди. Бу режа, Ўзбекистон Республикаси Вазирлар Маҳкамасининг 1995 йил 28 декабрдаги 476-сонли «Ўзбекистон Республикасида кичик гидроэнергетикани ривожлантириш» ҳақидаги қарори билан мустаҳкамланди.

Хозирги кунда Ўзбекистон худудидаги кичик, ўртача ва катта дарёларда ҳамда ирригация тизимларида консервация қилинган, эксплуатация қилинаётган, қурилаётган, лойиҳаланилаётган, лойиҳа-қидирув ишлари олиб борилаётган ГЭСлар сони 204 донани ташкил қиласди. Шундан: эксплуатация қилинаётган ГЭСлар 34(ГАК «Узбекэнерго» га қарашли 30, Ўзбекистон қишлоқ ва сув хўжалиги вазирлиги қошидаги «Сувэнерго» бирлашмасига қарашли 4) донани; консервация қилинган ГЭСлар 11 донани; қурилиши мўлжалланиб лойиҳа-қидирув ва лойиҳа ишлари бажарилаётган ГЭСлар сони 45 донани; қурилиши мумкин бўлган ГЭСлар дарёларда 12 донани, сув омборларида 23 донани ва магистрал каналларда 79 донани ташкил қиласди.

Хозирги кунда жамиятнинг ривожланишини унинг энергия билан таъминланганлиги белгилайди. Аммо энергия истеъмолининг кундан -кунгашиб бориши ҳамда уни ишлаб чиқариш учун органик ёқилғилардан фойдаланиш, атроф- муҳитни глобал ифлосланишига олиб



2.2 -расм. Дарё худудлари ва уларга қурилган сув омбори натижасида сув сатхининг ёйилиш чегаралари.

келмоқда ва натижада инсоният ҳаётига жиддий хавф солмоқда. Шунинг учун хозирги кун энергетикасининг долзарб масалаларидан бири, экологик тоза, қайта тикланадиган ноанаънвий энергия манбаларидан фойдаланишdir.

2.3 Ирригация тармоқларидағи кичик ва ўрта гидроэлектростанциялар.

Бугунги кунда республикамизда ишлаб чиқарилаётган электроэнергиянинг 85% органик ёқилғилардан фойдаланадиган иссиқлик электростанцияларида ишлаб чиқарилади. Атиги 14,5% электроэнергия гидроэлектростанция(ГЭС)лар ёрдамида ишлаб чиқарилади.

Катта миқдордаги қайта тикланувчи, яъни бир неча бор фойдаланиш имкони бўлган энергия манбаларига эга бўлган мамлакатимизда кичик гидроэнергетика муҳим ўринни эгаллади. Ўзбекистон Республикасининг гидроэнергетик ресурслари қуидагича баҳоланади

1. Йиллик умумий (ёки назарий) гироэнергетик потенциал-88,5 млрд. кВт_хсоатни ташкил қиласди, шундан:


- катта дарёлар - 81,1 млрд. кВт_хсоатни;
- ўртача дарёлар – 3,0 млрд. кВт_хсоатни;
- кичик дарёлар – 4,4 млрд. кВт_хсоатни ташкил қиласди.

2. Энергия ҳосил қилувчи сув оқими ўз йўлида жуда кўп қаршиликларга дуч келади ва исроф бўлади. Исроф бўлган энергиядан қолган энергия - техник гидроэнергетик потенциал, 27,4 млрд. кВт_хсоатга тенг бўлиб, шундан:

- катта дарёлар - 24,6 млрд. кВт_хсоатни;
- ўртача дарёлар – 1,5 млрд. кВт_хсоатни;
- кичик дарёлар – 2,3 млрд. кВт_хсоатни ташкил қиласди.

3. ГЭС жиҳозларидан ўтаётган сув оқими, жуда кўп қаршиликларни енгид ўтади. Барча қаршиликлардан сўнг қолган соф иқтисодий самарадор гидроэнергетик потенциали 16,6 млрд. кВт_хсоатни ташкил қиласди.

Ишлаб чиқилган, «2010 йилгача Ўзбекистон Мелиорация ва сув хўжалиги вазирлиги тизимида кичик ГЭСларни ривожлантириш схемаси»да ҳар бир ирригация тизимидағи энергетик нуқталар аниқланиб, шу нуқталарнинг гидравлик ва энергетик характеристикалари кўрсатиб берилди.



2.3- расм. Янги-Дарғом каналининг энергетик нуқталаркўрсатилган бўйлама кесими.

2.3 -расмда Янги Дарғом каналининг бўйлама кесими ҳамда ундаги энергетик нуқталар кўрсатилган, 2.1-жадвалда эса шу нуқталарнинг гидравлик ва энергетик характеристикалари келтирилган.

2.1-жадвал.

Янги Дарғом каналининг асосий энергетик ва гидравлик характеристикалари

Т.р.	ГЭСларнинг номи	Хисоб босими, м	Хисоб сув сарфи, м ³ /с	Қувват, МВт		Ўртача кўп йиллик электр-энергия ишлаб чиқариш, МВт	Агрегатлар сони, дона
				кафолатланган	ўрнатилган		
1	35+00-пикетдаги 1- ГЭС	11,0	56	0	5,1	23,4	2
2	58+50-пикетдаги 2- ГЭС	11,5	56	0	5,3	23,4	2
3	88+00-пикетдаги 3- ГЭС	11,0	56	0	5,1	23,4	2

Ҳозирги кунда қуйидаги кичик ГЭСлар ишга туширилган:

- Сурхондарё вилояти Тўпаланг сув омборидаги ГЭСнинг 1-навбати;
- Тошкент вилоятидаги Оҳангарон сув омборидаги ГЭС;
- Қашқадарё вилоятидаги Ҳиссорак сув омборидаги ГЭС;
- Самарқанд вилояти Дарғом каналидаги кичик Гулба ГЭСи;
- Андижон вилоятидаги Андижон сув омборидаги 2-ГЭС;
- Хоразм вилоятидаги Тумбайин ГЭСи;
- Фарғона вилояти Кўксув кичик дарёсидаги кичик Шоҳимардан ГЭСи;
- Тошкент вилоятидаги Эртошсой ГЭСи.

Бундан ташқари қуриш учун қуйидаги кичик гидроэнергетик объектларнинг лойиха хужжатлари ишлаб чиқилган:

- Андижон вилоятидаги Шаҳриҳон 0-ГЭСи;
- Андижон вилоятидаги Шаҳриҳон 1-ГЭСи;
- Тошкент вилояти Чирчиқ-Бўзсувэнергетик каскадидаги Пионер ГЭСи;
- Самарқанд вилояти Дарғом каналидаги Шаудар ГЭСи;
- Самарқанд вилоятидаги Боғишамол 2-ГЭСи;
- Фарғона вилоятидаги Каркидон ГЭСи.

Ҳукуматимиз томонидан ирригация тизимларидағи кичик энергетикани ривожлантириш бўйича олиб борилаётган ишлар келажақда экологик тоза энергия ишлаб чиқаришни кўпайишига, атроф-муҳитни соғ сақланишига, асосий энергетик тизимдан узокда жойлашган қишлоқларни электр энергияси билан ишончли таъминланишига, қишлоқ хўжалигига ишлаб чиқариш жараёнларини арzon электроэнергия билан таъминланишига имкон яратиб беради.

Назорат саволлари:

1. Сув энергиясидан қайси йилда электроэнергия ишлаб чиқарилган?
2. Замонавий турбиналарга қачон асос солинган?
3. Мамлакатимизда гидроэнергетиканинг ривожланиши неча босқичдан иборат?

4. Мамлакатимиздаги сув манбаларининг йиллик умумий, техник ва соф иқтисодий самарадор гидроэнергетик потенциали неча кВтни ташкил қиласи?
5. Нега мамалкетимизда йирик сув омборли катта қувватли гидроэлектр станцияларини қуришнинг имкони йўқ?
6. Мамлакатимизда гидроэнергетиканинг асосий манбалари қайси тизимлар?
7. Ирригация тармоқларига қандай ГЭСларни қуриш мумкин?
8. Ҳозирги кунда ирригация тармоқларига қандай ГЭСлар қурилмоқда?

Фойдаланилган адабиётлар.

1. Учебник Advanced Renewable Energy Sources Cambridge, UK, 2012 (English). -525 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.

3- мавзу: Сув энергиясидан фойдаланиш.


Режа:

- 3.1. Энергетик ва ирригация режимида ишловчи ГЭСлар.
- 3.2. Микрогидроэнергетика.
- 3.3 Сувнинг тўғридан-тўғри гидравлик энергиясидан фойдаланиб сув қўтариш.

Таянч иборалар: ирригация режими; энергетик режим; Бўзсув ирригацион-энергетик тракт; микрогидроэнергетика; актив ва реактив турбиналар; Пр гидроэнергетик қурилма; “ИИСЭТ” илмий-техник бирлашма; чархпалак; чигир; гидротаран элеваторли чархпалак.

3.1 Энергетик ва ирригация режимида ишловчи ГЭСлар.

Ирригация тизимига қурилиб эксплуатация қилинаётган кичик ГЭСлар **ирригация режимида**, яъни фақатгина экинларнинг вегетация-суғориш даврида (3 ой, 6 ой 9 ой ва ҳоказо)



3.1-расм. Чирчик-Бўзсув ГЭСлар каскади схемаси.


ишлайди (Масалан, Чирчиқ-Бўзсув ирригация тизимидағи 20 дона ГЭСлар каскади). Чирчиқ-Бўзсув энергетик каскади 3.1-расмда кўрсатилган. Ирригация режимида ишлайдиган ГЭСлар, тўхтовсиз энергетик режимда ишлайдиган ГЭСлардан кескин фарқ қиласди.

Энергетик режимда тўхтовсиз ишлайдиган ГЭСлар, йиллик ва кўп йиллик сув билан таъминловчи, тоғ ва тоғолди дарёларига қуриладиган сув омборли тўғонларга ўрнатилади (Масалан, Кирғизстондаги Тўхтағул, Тоҷикстондаги Роғун ГЭСлари ва бошқалар).

Энергетик режимда тўхтовсиз ишлайдиган ГЭСлар, ГЭСларни йиллик ва кўп йиллик сув билан таъминловчи, тоғ ва тоғолди дарёларига қуриладиган сув омборли тўғонларга ўрнатилади. Тўхтовсиз энергетик режимда ишлайдиган ГЭСлар, ирригация режимида - экинларнинг вегетация даврига боғлиқ ҳолда ишлайдиган ГЭСлардан кескин фарқ қиласди. 3.2-расмда ҳар хил режимда ишлаётган сув омбори кўрсатилган.

Хукуматимиз томонидан ирригация тизимларидаги кичик энергетика-ни ривожлантириш бўйича олиб борилаётган ишлар - келажакда экологик тоза энергия ишлаб чиқаришни кўпайишига, атроф-муҳитни соғ сақланишига, асосий энергетик тизимдан узоқда жойлашган қишлоқларни электр энергияси билан ишончли таъминланишига, қишлоқ хўжалигига ишлаб чиқариш жараёнларини арzon электроэнергия билан таъминланишига ҳамда ҳалқимизнинг янада фаровон турмуш кечиришини таъминлашга имкон яратиб берада.

Ирригация тармоқларида эксплуатация қилинаётган, қурилаётган, лойихаланилаётган, лойиха-қидирув ишлари олиб борилаётган, таъмирланаётган ва реконструкция қилинаётган кичик ва ўрта ГЭСлар ишлаб чиқарадиган электроэнергиянинг асосий миқдори республика насос станциялари ва қурилмаларини энергия билан таъминлашга хизмат қиласди.



3.2-расм. Ҳар хил режимда ишлаётган сув омборининг сув сарфлари:

1-ирригацион; 2-энергетик; 3-бондарский- (ирригацион-энергетик); 4-сув омборига ўртача кўп йиллик сувни оқиб келиши.

3.2 Микрогидроэнергетика.

Баланддан тушаётган тоғли ҳудудлардаги кичик сойлар, булоқлар энергиясидан фойдаланиб, асосий энергетик тармоқлардан узоқда жойлашган ҳамда тоғли ҳудудлардаги аҳолини электр энергияси билан таъминлаш мумкин. Кичик сув манбаларига одатда кичик қувватли микротурбиналар ўрнатилади

1. Ҳар хил гидравлик (актив ва реактив) микро турбиналар ёрдамида электроэнергия

ишлиб чиқариш ва ундан насосларни ҳаракатга келтиришда фойдаланиш.

Микротурбиналар ёрдамида, асосий электр тармоқларидан узоқда жойлашган тоғли ва тоғолди қишлоқлардаги булоқлар, сойлар ва бошқа сув манбалари энергиясидан фойдаланиб 1,0 – 100 кВтгача электроэнергия ишлиб чиқариш мумкин. Ишлиб чиқарилган электроэнергиядан ҳар хил мақсадларда ҳамда насос агрегатларини ҳаракатта келтиришда ҳам фойдаланиш мумкин.

Насос станциялари ва қурилмалари билан қишлоқ хўжалиги учун сув кўтариб беришда уларни электр энергияси билан таъминлаш йирик, ўрта ва кичик дарёларга қурилган ГЭСлар, ирригация тизимларига ўрнатиладиган ўрта ва кичик ГЭСлар билан ҳамда дарёларнинг ирмоқлари, сойлар, булоқлар ва бошқа кичик сув манбаларига ўрнатиладиган кичик энергетик қурилмалар билан амалга оширилади.


Кам сув сарфи ва кичик босимда ишлайдиган кичик энергетик қурилмалардан, асосий энергетик тармоқдан узоқда жойлашган аҳолини электр энергияси билан таъминлашда ҳамда насос қурилмалари ёрдамида ичимлик ва суғорма сувларни кўтариб беришда фойдаланиш мумкин.

Хозирги кунда кичик сув сарфи ва босимда ишлайдиган такомиллаштирилган микрогидроэнергетик қурилмалар Россия Федерациясининг Санкт-Петербург шахрида ташкил қилинган “ИНСЭТ” илмий-техник бирлашмаси томонидан ишлиб чиқарилади. 3.1-жадвалда кичик ПР микрогидроэнергетик қурилмаларнинг асосий характеристикалари, 3.3 ва 3.4 - расмларда уни монтаж ва эксплуатация қилиш келтирилган.

3.1-жадвал.

Пр микрогидроэнергетик қурилмаларнинг характеристикалари

№	Кўрсатгичлар	Микрогидроэнергетик қурилма-МГЭС				
		10Пр	10Пр	15Пр	15Пр	50Пр
1	Босим (нетто), м	2,0-4,5	4,5-8,0	1,75-3,5	3,5-7,0	4,10-10,0
2	Сув сарфи, м ³ /с	0,07-0,14	0,10-0,21	0,10-0,20	0,15-0,13	0,36-0,80
3	Ишлиб чиқадиган қувват, кВт	10	10	15	15	50
4	Нархи	8280	8280	12420	12420	35880



3.3-расм. МикроГЭС 10 Прнинг табиатдаги очиқ сув ҳавзасига ўрнатилиш схемаси

“Пр” маркали микрогидроэнергетик қурилмани ўрнатиш жуда қулай. Унинг сув узатиш құвурини фақаттана металдан әмас балки, брезентли материалдан ҳам тайёрлаш мүмкін. Ҳозирги кунда Бўзсув ГЭСининг ўз әхтиёжлари учун электр энергияси ишлаб чиқарыш учун унга 10Пр маркали микрогидроэнергетик қурилма ўрнатилган.

Кўрсатилган “ПР” маркали микрогидроэнергетик қурилмалар ҳамда 3.5-расмда кўрсатилган энергетик қурилмалар ишлаб чиқадиган электр энергиясидан фойдаланиб, асосий электр армоқларидан узокда жойлашган аҳолини сув билан таъминлашда кўлланиладиган насос қурилмаларини электр энергияси билан таъминлаш мүмкін.



3.4-расм. МикроГЭС 10 Прнинг металл құвурлар (а) ва брезентли құвурлар (б) билан улаб эксплуатация қилиш ҳолатлари.



3.5-расм. Митти гидроэнергетик қурилмаларнинг турлари


3.3 Сувнинг тўғридан-тўғри гидравлик энергиясидан фойдаланиб сув кўтариш.

Сувнинг гидравлик энергиясидан фойдаланиб сув кўтарувчи қурилмаларга ҳар хил сув ғилдираклари-чархпалаклар, гидравлик таран ва бошқалар киради 3.6 а,б – расмларда чархпалак ва гидротараннинг схемлари келтирилган.

Чархпалаклар асосан нишаблиги катта каналларга ўрнатилади. Чархпалак қасқонига ўрнатилган сув идишлари сув олинадиган манбадаги сувга тўлиқ ботиб туриши керак. Чархпалакни сув сарфи, манбадаги сувнинг тезлигига боғлиқ.

Қасқонининг диаметри 1,0 м дан бир неча метргача бўлиши мумкин Унинг максимал сув сарфи 5-8 л/с бўлиши мумкин. Ҳозирги вақтда чархпалакларни дала ҳовлилари ва фуқароларнинг томарқаларида қўллаш мумкин. Сув кўтариш баландлиги 1-10 м ни ташкил қилиши мумкин.

Гидротаранлар - баланддан тушаётган сувнинг гидравлик зарби энергиясидан фойдала-ниб, тушаётган баландлигига қараганда бир неча баробар юқорига сувни кўтариб беради. Гидравлик таранларнинг ТГ-1, ТГ-2 турлари 100 м баландликка 3-5 л/с гача сувни кўтариб беради. ЕрПИ – 100, ЕрПИ-250 турдаги гидротаранлар билан 150 м га 18 л/с гача сувни кўтариб бериш мумкин. 3.7-расмда канал нишаблиги ҳисобига ўрнатилган гидротаран кўрсатилган.



3.6-расм. Сувнинг гидравлик энергиясидан фойдаланиб сув кўтарувчи мосламалар:
а-чархпалак; 1-паррак; 2-идиши; 3-нов; 4-қасқон.б-гидравлик таран; 1-гидравлик зарб қувури; 2-задвижка; 3-зарб клапани; 4-ҳаво қалпоги; 5-сув кўтариши қувури; 6-сув қабул қиливчи идиши.



3.7-расм. Канал нишаблиги ҳисобига ўрнатилган гидротаран.

Элеваторли сув кўтариш мосламаси-чархпалаги. Ҳозирги кунгача фойдаланиб келинаётган иш ғилдираги думалоқ шаклдаги чархпалакларда қуидаги камчиликлар мавжуд:

- сув кўтариш баландлиги маълум бир диаметрли чархпалаклар учун ўзгармас бўлиб қолади, ҳар бир сув кўтариш баландлиги учун шунга мос диаметрли чархпалаклар тайёрлаш лозим бўлади;

- чархпалакнинг ғилдирагига маҳкамланган идишларга манбадан олинган сув, тўкиш новига келгунча камида 30 % исроф бўлади;

- сув манбасидаги сув сатҳининг ўзгаришига нисбатан чархпалак ҳолатини ўзгартириш жуда мураккаб бўлади;

- йирик чархпалакларнинг иш ғилдирагини кичик сув манбасига ўрнатиб бўлмайди.

Юқоридаги камчиликларга барҳам бериш учун охирги вақтларда конструктор С.И. Уманский томонидан элеваторли чархпалаклар ишлаб чиқилган (3.8-расм).

Элеваторли чархпалаклар қуидаги афзалликларга эга:

- конструкциясининг, уни йиғиш ва қисмларга ажратишнинг соддалиги, асосий уч қисми билан юқ ташиш ва кўтариш мосламаларисиз ишлаш мумкинлиги;

- мосламани ҳар хил қопламалар билан қопланган манбаларга ўрнатишни қулайлиги;

- элеваторга маҳкамланган сувга тўлдирилган идишлардаги сув, исроф қилинмасдан юқоридаги новга узатилиши;

- сув кўтариш баландлигини (сувнинг тезлигига нисбатан) 15-18 м гача етказиш мумкинлиги;


- чархпалак ўрнатилган ҳудудни кечаси ёритиш мақсадида, чархпалакка ўрнатилган енгил машинанинг генераторига занжирли узатмалар ёрдамида ҳаракатни узатиш натижасида электр энергияси ишлаб чиқаришнинг мумкинлиги.

Элеваторли чархпалакнинг қисмлари 3.8-расмда келтирилган. Чархпалак қуидаги кетма-кетликда ишлайди: сув манбаси оқимига перпендикуляр ўрнатилган чархпалакнинг асосий ишчи ғилдираги-1, парракларига-2 келиб урлиган оқимнинг босими таъсирида рамага-4 маҳкамланган горизонтал ўқ-3 атрофида айлана бошлайди. Асосий иш ғилдираги, унга бир ўқ текислигига жойлашган ҳамда юлдузчали дискка-16 уланган занжир-20 билан элеваторни ҳарактга келтирилади. Элеваторга ўрнатилган идишлар-25 сувга тўлиб вертикал ҳолатда юқорига кўтарила бошлайди. Юқорига кўтарилиган сув ҳеч қандай йўқотишларсиз новга-13 қуилади ва суғоришга олиб кетилади.

Элеваторли чархпалакнинг сув сарфи 5-15 л/с атрофида ўзгариб туриши мумкин. Оқим тезлигига қараб, унинг сув сарфини 50 л/с гача етказиш мумкин.

Назорат саволлари:

1. Қандай ГЭСлар ирригация режимида эксплуатация қилинади?
2. Қандай ГЭСлар энергетик режимида эксплуатация қилинади?
3. Сувнинг қандай энергиясидан фойдаланиб электроэнергия ишлаб чиқариш мумкин?
4. Микротурбиналар ёрдамида қандай ҳудудларни электроэнергия билан таъминлаш мақсадга мувофиқ бўлади?
5. Сувнинг гидравлик энергиясидан фойдаланиб қандай қурилмалар ёрдамида сув кўтариб бериш мумкин?



3.8-расм. Элеваторли механик сув кўтариш қурилмаси:

1 – айлантирувчи гилдирак; 2 - қураклар; 3 - горизонтал ўқ; 4,5 - рамалар; 6 - юкридаги гилдирак; 7 - юкридаги гилдиракнинг ўқи; 8 - пастги гилдирак; 9 - пастдаги гилдиракнинг ўқи; 10 – берк (туташ) элемент; 11 - ползун; 12 -рамаларнинг йўналтирувчи втулкалари; 13 - нов; 14 – сирпаниши вкладышлари; 15 – етакловчи гилдиракнинг юлдузчалари; 16 -юлдузча-шестерня; 17 - айлантирувчи гилдиракнинг ступицаси; 18 -каналлар; 19 - кегайлар-ушлаб турувчи металл симлар; 20 - занжир; 21- пастги гилдиракнинг юлдузчалари-шестернялари; 22- тарапловчи роликл; 23-дастак; 24 - қисқичлар; 25-сув оловучи идишлар; 26-пластинкалар; 27- вилка шаклидаги тутқич; 28 – тўсиқлар тизими.

Фойдаланилган адабиётлар:

1. Sanks M.C., Tchobanoglous G., Bosselman B.E., G.M.Jones. Pumping Station Design, Second Editon, Copyright © 1998 by, Butterworth-Heinemann. -1067 р.
2. Мамажонов М.М. ва бошқалар. Насос станцияларидан фойдаланиш. Дарслик, «Yangi nashr», Тошкент, 2014. - 400 б.

3. Mamajonov M.M. va boshqalar. Nasos stantsijalaridan foydalanish. Darslik, «Yangi nashr», Toshkent, 2014.- 429 bet.
4. Усовершенствование конструкции опытного образца установки механического водоподъёма для фермерских хозяйств. Научно-технический отчёт, ТИИМ, Ташкент, 2006.-28 с
5. Advanced Renewable Energy Sources Cambridge, UK, 2012 (English).-535 p.
6. Majidov T.Sh. Noana'naviyva qayta tiklanuvchi energiya manbalari. Darslik, T.: «Voris-Nashriyot», 2014. -168 b.
7. Схема развития малых ГЭС в системе Минводхоза Узбекистана на период до 2010 года. Объединение Водпроект, часть 1, Ташкент, 1992.-124 с.
8. Мухаммадиев М.М., Потаенко К.Д. Возобновляемые источники энергии. Учебное пособие, Ташкент, 2005. – 214 с.
9. Мухаммадиев М.М. ва бошқалар. Гидротурбиналар. Тошкент, 2006.–152 б.

4-мавзу: Шамол энергиясидан фойдаланиш.

Режа:

- 3.1. Шамол энергияси ва ундан фойдаланиш асослари.
- 3.2 Шамол энергияси кадастри.
- 3.3 Шамол электростанциялари.

Таянч иборалар: энергия; шамол энергияси; энергетик қурилма; шамол гилдираклари; қанотли, каруселли ва барабанли шамол гилдираклари; шамол генератори; шамол кадастри; шамолниң ўртacha тезлиги; ўртacha тезлигининг тақрорланиши; Боформ шкаласи; шамолниң йўналиши;

4.1. Шамол энергияси ва ундан фойдаланиш асослари.

Инсоният сув энергияси ҳамда буғ двигателларидан анча олдин, шамол энергиясидан фойдаланиб келган. Англия, Германия, Франция, Дания, Голландия, АҚШ ва бошқа мамлакатларда, шамол энергияси жуда катта масштабда, саноат ва қишлоқ хўжалигига кўлланиб келинган. Шамол энергиясидан фойдаланиш бўйича олиб борилаётган хозирги ишлар, алоҳида катта қувватли шамол генераторларини яратиш ва уларнинг энергиясини ишлаб турган энергия тармоқларига улаш ва асосий тармоқ сифатида фойдаланишдан иборатdir.

Ҳаво массасининг ер атмосфераси атрофида айланиши эксперталар томонидан турлича баҳоланган. Шамолларнинг йиллик назарий заҳираси ер юзидағи барча энергия заҳиралардан 100 марта ортиқ бўлиб, 3300×10^{12} кВт \times соатни ташкил қиласди. Аммо бу энергиянинг фақатгина $10 \div 12\%$ фойдаланиш мумкин. Масалан, 1987 йилда ер юзидағи барча шамол қурилмалари томонидан 10×10^{12} кВт \times соат энергия ишлаб чиқилган, яъни йиллик заҳиранинг атига 0,3% дан фойдаланилган.

Шамол - бу қуёш нурининг интенсивлиги ҳисобига, босимнинг ўзгариб туриши натижасида ҳаво массасининг ҳаракатидир.

Иқтисодий жиҳатдан жойдаги шамолнинг тезлиги 5 м/с дан кам бўлмаса шамол генераторларидан фойдаланиш мақсадга мувофиқдир. Шамол электрогенераторлари анъанавий генераторлардан $2 \div 4$ баробар қимматдир. Аммо шамол энергияси доимий бўлган

базы бир регионларда у мухим энергия манбаларидан ҳисобланади.

Одатда шамол энергияси шамолга перпендикуляр жойлашган маълум майдон таъсири орқали аниқланади яъни


$$N_{\text{шам.оқими}} = 0,0049 \times q \times V \times F$$

Бу ерда: q – ҳавонинг зичлиги (температура ва атмосфера босимига нисбатан), кг/м³;
 V – ҳаво оқимининг тезлиги, м/с;
 F – майдон юзаси, м².

Шамол энергетик қурилмаси узатаётган энергия миқдори, ҳаво оқими ҳосил қиласиган энергия миқдоридан тубдан фарқ қиласи. Чунки ҳаво оқими энергиясининг бир қисми шамол ғилдираги парракларида, редуктор ва генераторларда исроф бўлади. Исроф бўлган энергия миқдори, шамол энергиясидан фойдаланиш коэффициенти билан ҳисобга олинади. Шамолга перпендикуляр жойлашган майдон юзасини шамол ғилдираги диаметри билан белгилаб, шамол энергетик қурилмасининг қувватини қутидаги формулада ҳисоблаш мумкин.

$$N_{\text{шам.энер.курил.}} = 0,00386 \times q \times V \times D^2 \times \xi_{\text{пар.}} \times \eta_{\text{ред.}} \times \eta_{\text{ген.}}$$

Бу ерда: D -иш ғилдираги диаметри, м;
 $\eta_{\text{ред.ва ген.}}$ – редуктор ва генераторнинг фойдали иш коэффициентлари;
 $\xi_{\text{пар.}}$ – парракларда исроф бўлган ҳаво оқими энергияси.



4.1- расм. Шамол қурилмаси иш ғилдираги диаметри билан унинг қуввати орасидаги боғланиш графиги.

Шамолга перпендикуляр бўлиб асосан, шамол қурилмалариниг парраклари жойлашади. Шамол қурилмаси қувватини парраклар сони эмас балки, иш ғилдираги диаметри белгилайди. Шунинг учун Шамол агрегатининг қуввати, шамол тезлигига тўғри, иш ғилдираги парраклари сонига тескари пропорционалдир. 4.1- расмда шамол қурилмаси иш ғилдираги диаметри билан унинг қуввати орасидаги боғланиш графиги кўрсатилган.

$$N_{шам. \text{энрг.} \text{курил.}} = f\left(\frac{V}{n}\right)$$


Шамол ғилдиракларининг қанотли, каруселли ва барабанли турлари мавжуд. Шамол электростанцияларида асосан энг самарали бўлган қанотли шамол ғилдираклари кўлланилади (4.2- расм).

Шамол энергетикаси экалогик тоза энергия манбаидир. Аммо шамол электростанциялари учун жуда катта худудлар зарур (шамол энергетик қурилмаларининг бир – биридан узокда жойлашиши ва улар орасидаги масофа иш ғилдираги диаметрининг $6 \div 18$ баробарига тенг бўлиши керак). Масалан, иш ғилдираги $D = 100$ м бўлган шамол энергетик қурилмаси учун $5 \div 7 \text{ км}^2$ худуд зарур. Бутун бошли шамол электр станцияси учун эса ўнлаб км^2 худуд зарур. Бошқа бир нокулай тарафи –иш ғилдираги шовқин чиқариб ва ҳавони тебратиб ишлаши натижасида теле- ва радио эшилтиришларга халақит берилади.

Шамол энергиясидан фойдаланиш бўйича Германия биринчи ўрнини эгаллаб келмоқда. Бу мамлакатда шамол энергиясини ишлаб чиқариш йилига $500 \div 1500 \text{ МВт}$ га қўпаймоқда, ҳозирги вақтда ишлаб чиқариладиган энергия миқдори 2 млн.кВт соатдан ошиб кетди.

Маълум вақт оралиғи (кун, ой, йил) билан боғлиқ шамол энергетикаси ҳисобларини амалга ошириш учун шамол энергияси кадастри тўғрисида маълумотга эга бўлиш лозим.

Шамол энергияси кадастри, шамолнинг миқдор характеристикалари бўлиб, улар асосида шамол агрегати ишлаб чиқариши мумкин бўлган энергия ҳамда унинг ишлаш даврийлиги тўғрисида маълумот олиш имконини беради.



4.2 -расм. Қанотли шамол ғилдираклариниг кўрининиши:
а-икки ғилдиракли; б-уч ғилдиракли; в-тўрт ғилдиракли

4.2 Шамол энергияси кадастри.

Шамол энергияси кадастрига шамолнинг қуйидаги характеристикалари киради.

1. Узоқ вақт оралиғида шамолнинг ўртача тезлиги.

2. Шамол ўртача тезлигининг такрорланиши.

3. Шамол тезлигини кунлик ва йиллик силжиш характеристикалари.

4. Шамолли ва шамолсиз даврларнинг давомийлиги.

5. Бофорт шкаласи бўйича шамолнинг тезлик оралиқлари ҳамда ердаги предметларга шамолнинг таъсирига мос бўлган ўртача ойлик ва йиллик шамол тезлиги.

6. Шамолни кучайишидаги максималл тезлиги.
 7. Шамолнинг йўналиши («шамол гули»).
 8. Шамолнинг турбулентлиги (ҳаво оқимининг ички структураси).
 9. Шамолни кучайиши, сусайиши ва кўтарилиши (бирлик вақт оралиғида шамол тезлигининг ўзгариши).
10. Шамол оқимининг зичлиги (атмосфера босими, температура ва намлика боғлиқлиги).
11. Шамол оқими таркибининг фазаси (бир фазали-тоза шамол оқими, икки фазали-ёмғир томчилари аралаш шамол оқими, уч фазали-ёмғир томчилари ва бошқа предметлар аралашган ҳаво оқими).

Шамолнинг ўртача тезлиги, маълум вақт оралиғидаги тенг вақтлар ичida ўлчанганд шамол оний тезликларининг ўрта арифметик миқдор сифатида аниқланади, яъни

$$V_{\text{ўрт.}} = \frac{\sum_{i=1}^n V_i}{n}$$

Бу ерда: $V_{\text{ўрт.}}$ – шамолнинг ўртача тезлиги, м/с;

$V_{\text{оний}}$ – шамолнинг оний тезлиги миқдоралири, м/с;

n – ўлчангандоний тезликларнинг сони.

4.1-жадвал.

Шамол тезлигини аниқлаш Бофорт шкаласи

Бофорт шкаласи (балл)	Баллга мос шамолни ҳолати	Шамолнинг тезлиги:		Ердаги предметларга шамолнинг таъсири
		м/с	км/соат	
1	2	3	4	5
0	Шамолсиз	0,0÷0,5	0,0÷1,8	Тутун вертикал кўтарилади. Дараҳт барглари қимирламайди
1	Сокин шамол	0,6÷1,7	2,2÷6,4	Тутун вертикал кўтарилмайди. Дараҳт барглари қимирламайди
2	Енгил шамол	1,8÷3,3	6,5÷11,9	Тутун шамол эсаётган тарафга қараб эгилади. Дараҳт барглари шитирлайди
3	Кучсиз шамол	3,4÷5,2	12,2÷18,7	Дараҳт барглари ва байроқлар тинимсиз тебраниб туради.
4	Ўртача шамол	5,3÷7,4	19÷26,6	Дараҳт шохлари тебранади. Ердан чанг ва қоғоз бўлаклари кўтарилади.
5	Салқин шамол	7,5÷9,8	27÷35,2	Катта байроқлар тортқилинади. Дараҳтлар тебранади. Қулоқ ғувиллайди. Кўл шамол тезлигини сезади.
6	Кучли шамол	9,9÷12,4	35,6÷44,6	Дараҳт шохлари кучли тебранади. Уйлар ва қимирламайдиган нарсалар ёнида гувиллаш товушлари эшитилади. Телефон симлари товуш чиқаруб ғувуллайди.

1	2	3	4	5
7	Қаттиқ шамол	12,5÷15, 2	45÷54,7	Унча катта бўлмаган дараҳтлар танаси тебранади. Шамолга қарши юриш қийинлашади.
8	Жуда кучли шамол	15,3÷18, 2	55÷65,5	Катта дараҳтлар тебранади. новдалари. Дараҳт новдалари ва сшохлари синади. Шамолга қарши юриш жуда қийинлашади, эгилиб юришга тўғри келади.
9	Довул	18,3÷21, 5	65,9÷77,3	Катта дараҳтлар қайрилади, катта шоҳлари синади. Нарсалар жойидан силжий бошлайди.Уйлар томи шикастланади.
10	Кучли довул	21,6÷25, 1	77,7÷90,6	Дараҳтлар сина бошлайди ва томири билан юлиб олинади.Томлар юлиб олиб кўчирилади, вайронагарчилик юз беради.
11	Шиддатли довул	25,2÷29	90,7÷105	Бинолар кучли вайрон бўлади
12	Бўрон	>29	>105	Дараҳтлар сина бошлайди ва томири билан юлиб олинади.Томлар юлиб олиб кўчирилади, вайронагарчилик юз беради. Бинолар кучли вайрон бўлади.

Вақтнинг узок даври (ой, йил) учун шамолнинг тезлиги тўғрисидаги маълумотлар, жойлардаги метеостанцияларнинг кузатувлари асосида олинади. Бир кунда бир неча бор ўлчангандан шамолнинг тезлигига асосан ўртacha бир кунлик, ўртacha ойлик ҳамда кўп йиллик давр учун шамолнинг ўртacha йиллик тезликлари жадваллари тузилади.

Ер юзаси ва (океан, денгиз ва дарёлар) сув юзасидаги шамолнинг тезлигини аниқлаш учун одатда Бофорт шкаласидан фойдаланилади (4.1-жадвал).

Бофорт шкаласи бўйича шамолнинг тахминий тезлиги аниқланади.1÷9 балларда, шкала бўйича шамолнинг тезлиги (м/с), ҳар бир баллни икки карра кўпайтириш орқали аниқланади.

4.3 Шамол электростанциялари.


Шамол электростанциялари. Бир неча шамол қурилмаларининг йиғиндиси шамол электростанциясини ташкил қиласи. Қувватига нисбатан шамол э лектростанцияларини 3 гурӯхга бўлишмумкин.

1. Кичик қувватли – 0,1÷1,0 кВтҳсоатгача, уларга асосан доимий электр токи ишлаб берадиган шамол қурилмалари киради. Улар асосан аккумулятор батареяларини зарядка қилишда қўлланилади.

2. Ўртacha қувватли – 10÷100 кВтҳсоатгача, улар ўзгарувчан ток ишлаб чиқаради.


3. Йирик қувватли – ≥ 1000 кВтҳсоатгача, ҳозирги вақтда бундай шамол энергетик қурилмаларининг тажриба нусхалари синаб қўрилмоқда.

Маълумки шамол агрегатнинг қуввати, шамол тезлигига тўғри пропорционал ва иш гилдираги парраклари сонига эса тескари пропорционалдир.



4.3-расм. Шамол қурилмаси иш ғилдираги (ротори) айланыш тезлиги билан унинг қуввати орасидаги боғланиш графиги.

Хозирги кунда, серияли ишлаб чиқариши мумкун булган шамол агрегатлари иш (шамол) ғилдирагининг айланишлар сони қуийдагиларга тенг(айл./мин.): 3000; 1500; 1000; 250; 75; 30. Шамол тезлигининг ошиши билан шамол қурилмаси иш ғилдирагининг айланишлар сони ошади ҳамда мос ҳолда шамол қурилмасининг қуввати ошиб боради (4.3- расм).



4.4-расм. Шамол минорасининг баландлиги билан шамол қурилмаси қуввати орасидаги боғланиш графиги.

Шамол қурилмасининг яна бир муҳим элементларидан бири, шамол минорасининг баландлигидир. Тажрибалар асосида шамол минораси баландлигининг ошиши билан шамол қурилмаси қувватиининг күтарилиб бориши аниқланган (4.4- расм).


4.4-расмдан кўриниб турибдики, ер сатҳидан баландга кўтарилиган сари шамолнинг тезлиги қучайиб, шамол энергоқурилмаларининг ишлаб чиқараётган қуввати ҳам ошиб боради. Аммо шамол энергоқурилмалари маълум бир баландликка ўрнатилади. Шамол қурилмаси ўрнатилган баландликда эса шамолнинг тезлиги бир хил бўлмасдан катта диапазонда ўзгариб туради. Шунинг учун шамол энергоқурилмалари тўлиқ қувват биланэлектроэнергия ишлаб чиқара олмайди.

4.5-расмда бир хил баландликка ўрнатилган шамол қурилма (электростанция)ларининг вақт оралиғида ишлаб чиқарадиган энергияси бир хил бўлмаслиги кўрсатилган.

Американинг «Altaeros Energies» ҳамда Канаданинг «Magenn Power» компаниялари тадқиқотларига кўра, ер сатҳидан 100 м ва ундан ортиқ баландликларда катта тезлиқда доимий кучли шамол оқимлари эсиб тураган. Ер сатҳидан 100÷500 м баландда доимий катта тезлиқда эсиб турадиган шамоллар энергиясидан фойдаланиш учун ҳаво шарларига шамол энергоқурилмаларини ўрнатишни таклиф қилишди.





Американинг «Altaeros Energies» компанияси ишлаб чиқсан ҳаво шари газ ўтказмайдиган мустаҳкам материалдан тайёрланиб, гелий ёки водород газлари билан тўлдирилади (4.6б-расм). Ҳаво шарлари ер сатҳидан 500 м баландликкача ўрнатилиши мумкин. Ҳаво шарига ўрнатилган шамол энергоқурилмалари ишлаб чиқарадиган электроэнергия, металл тросларга боғланган электр симлари орқали ерга узатилади.

Канаданинг «Magenn Power» компанияси ишлаб чиқсан учиб турувчи ҳаво шари энергетик қурилмалари ҳам, гелий гази билан тўлдирилади. Ҳаво шари қурилмаси ўзининг горизонтал ўқи атрофида айланиш орқали электроэнергия ишлаб чиқаради. Ҳаво шари қурилмасининг маълум баландликдаги барқарор туриши, Магнус эфекти ҳисобига амалга оширилади. Ишлаб чиқариган энергия металла тросларга боғланган электр симлари орқали, симларни ўраб йиғувчи чиғир ва трансформаторлар ўрнатилган майдончага узатилади. Компания ишлаб чиқарадиган ҳаво шари қурилмаси, 200÷300 м баландликка ўрнатилиб, 90÷100 м/сек тезлиқда эсадиган шамол билан ишлашга мўлжалланган (4.6а-расм).



4.6-расм. Ҳаво шарига ўрнатилган шамол энергоқурилмалари:
a - «Magenn Power» компанияси; б-«Altaeros Energies»компанияси.

Юқорида келтирилган ҳаво шарли шамол энергоқурилмалари, анаънавий шамол энергоқурилмаларига қараганда, икки марта кўп ҳамда икки марта арzon электроэнергия ишлаб чиқаради. 4.6-расмда, Американинг «Altaeros Energies» ҳамда Канаданинг «Magenn Power» компаниялари ишлаб чиқсан, ҳаво шарига ўрнатилган шамол энергоқурилмаларининг кўриниши келтирилган.




4.5-расм. Шамол электростанциясининг ишлаш графиги:
а-шамолнинг тезлиги; б- ишлаб чиқарилаётган электроэнергия миқдори.

Шамол генераторлари-шамолнинг кинетик энергиясини электр энергияга айлантириб берувчи қурилма. Шамол генераторларини икки хил тuri мавжуд: саноат ва уй учун(4.7 ва 4.8-расмлар). Саноат учун шамол генераторлари давлат ёки катта энергетик корпорациялар томонидан қурилади. Ушбу қурилмалар энергияси бир жойга тўпланади ва натижада шамол электростанциялари вужудга келади. Унинг асосий фарқи-ишлаши учун хом ашёниг зарур эмаслиги ҳамда ҳеч қандай чиқинди чиқмаслигидир.

Унинг асосий талабларидан бири – йиллик ўртача шамол тезлигининг юқори бўлиши-дир. Ҳар бир саноат энергетик қурилмаларида ўт ўчириш тизими,шамол генераторини ишлаши ҳақида маълумот бериб турувчи телекоммуникацион тизим ҳамда чақмоқдан ҳимоя қилиш тизими мавжуд. Замонавий шамол генераторларининг қуввати 6 МВт(6000 кВт)гача етади.

Шамол генераторининг турлари.Шамол турбиналариниг иккита асосий турлари мавжуд: вертикал ва горизонтал айланиш ўқли. Вертикал ўқли турбиналар кичик тезликдаги шамолларда ишлайди, шунинг учун улар паст самарали ҳисобланади. Шунинг учун вертикал ўқли турбиналар жуда камқўлланилади. Асосан улар уй учун ўрнатилади. Уй учун қурилади-ган шамолқурилмаларини кўллаш тез суръатлар билан ривожланиб бормокда. Одатда унча катта бўлмаган уй учун 1 кВт атрофидагиэлектроэнергияни 9 м/с тезликда эсаётган шамол энергиясидан олиш мумкин. Ҳозирги кунда МЧЖ «Диалог» томонидан мамлакатимиз вилоятларида 1-3 кВтҳсоат қувватли шамол қурилмалари ўрнатилиб ишлатилмоқда.

Ишлаб чиқарилаётган энергия микдори ва нархи. АҚШ шамол энергетикаси уюшмасининг маълумотига кўра 2006 йилда Америкада 17 543 кВт электроэнергия ишлаб чиқилган, умумий нархи 56 082 850 долларга, 1 кВт электроэнергиянинг нархи – 3200 долларга тенг булган. Шу йили дунё буйича шамол электростанциялари томонидан




4.7-расм. Анаънавий (а) ҳамда замонавий саноат (б) шамол энергетик қурилмаларининг схемаси:

1-шамол двигатели; 2-улаш муфтаси; 3-таянч подшипники; 4-эркин айланиш муфтаси;
5-инерцион аккумулятор; 6-синхрон генератор.

(а)


(б)



4.8-расм. Саноатда ишлаб чиқариладиган шамол энергетик қурилмаларининг жойлашиши (а) ва тузилиши(б):

а) жойлашиши; **б):** 1-фундамент; 2-куч контакторлари ва бошқарув занжирини ўз ичига олган куч шкафи; 3 - минора; 4-чиқиши нарвони; 5 –айлантириши механизми; 6 – гондола; 7 - электр генератори; 8 –шамол йўналишини шмол йўналишини ва тезлигини кузатувчи тизим(анемометр) 9 – тўхтатиши тизими; 10- трансмиссия;11-парраклар;12-парраклар жойлашиши бурчагини ўзгартириши тизими;13 –ротор қалпоги.

19 483 кВт электроэнергия ишлаб чиқилган. 2020 йилга келиб АҚШда шамол электростанциялари томонидан ишлаб чиқариладиган электроэнергия микдори 50 минг МВтга етказилиши режалаштирилган. Бу микдор мамлакатда ишлаб чиқариладиган электроэнергиянинг 3 % ни ташкил киласи холос.





4.9-расм. Жанубий Кореянинг «Doojin Co. LTD» компанияси ёрдамида, Чорвоқ сув омборининг дам олиш зонасида шамол энергоқурилмасини ўрнатиш жараёни

Хозирги кунда шамол электростанциясини қуришга кетган маблағ қоплангандан сунг, 1 кВт электроэнергиянинг нархи $0,10 \div 0,07$ долларга тенг бўлгандагина шамол энергетикаси самарали ҳисобланади.

Ўзбекистон Республикасида биринчи бўлиб Чорвоқ сув омборининг дам олиш зонасида (Тошкент вилоятида) энг катта шамол энергоқурилмаси ўрнатилди. Қуввати 750 кВт соат бўлган шамол энергоқурилмасини ўрнатиш, Жанубий Кореянинг «Doojin Co. LTD» компанияси ёрдамида олиб борилди (4.9-расм). Шамол энергоқурилмаси майдончасига 40 м баландликдаги минорага шамол тезлигини ўлчовчи анемометрлар ва бошқа назорат-ўлчов асбоблари ўрнатилган. Шамол энергоқурилмаси бир йилда 12,3 миллион кВт соат электроэнергия ишлаб чиқаради, натижада $700\,000\text{ m}^3$ табиий газ тежалади.

«Ўзгидромет» институтининг хабар беришича, шамол энергоурилмаси ўратилган худудда шамолнинг ўртача тезлиги $4,3\text{ m/s}$ ни, киши даврида эса $6,6 \div 7,1\text{ m/s}$ ни ташкил қиласр экан. Шамолнинг кўрсатилган тезликлари, шамол энергоқурилмасини барқарор ишлашини таъминлайди.

Назорат саволлари:

1. Авлодларимиз шамолнинг қандай энергиясидан фойдаланганлар?
2. Шамол энергияси ва қуввати қандай ҳисобланади?
3. Шамолнинг қуввати нимага боғлиқ?
4. Шамол ғидиракларининг қандай турлари мавжуд?
5. Замонавий шамол энергоқурилмалариниг қайси турларини биласиз?
6. Шамол генераторларининг қайси турлари ва қандай характеристикалар билан ишлаб чиқарилади?
7. Мамлакатимизда йирик шамол энергоқурилмалари эксплуатация қилинадими?

Фойдаланилган адабиётлар:

1. Учебник Advenced Rene-wable Energy Sources Cambridge, UK, 2012 (English). -530 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.

5-мавзу: Қуёш энергиясидан фойдаланиш.

Режа:

- 5.1. Қуёш энергияси ва ундан фойдаланиш асослари.
- 5.2. Қуёш энергияси кадастри.
- 5.3. Қуёш энергиясини йиғувчи қурилмалар.
- 5.3.1. Қуёш энергиясидан иссиқлик ва электроэнергия олиш усуллари ва қурилмалари.
- 5.4. Қуёш электростанциялари.
- 5.5. Космик қуёш электростанциялари.
- 5.6. Қуёш энергиясидан ишлаб чиқаришда фойдаланиш.

Таянч иборалар: энергия; қуёши нури; қуёши радиацияси; қуёши энергияси; термоядро реакцияси; қуёши кадастри; қуёши доимийси; иссиқлик энергияси; қуёши печи; гелиостат; қуёши коллектори; электр энергияси ишлаб чиқарии; анаънавий усул; фотоэлектр усул; фотоэффект; фотоэлектр ячейкалар; кремний; кадмий; қуёши панели; аккумулятор батареяси; инвертор; қуёши электр станциялари; космик қуёши электр станциялари.

5.1 Қуёш энергияси ва ундан фойдаланиш асослари.

Инсоният пайдо бўлгандан буён қуёшга сифиниб келган, уни худо ўрнида кўрганлар. Чунки у хақиқатдан хам ер юзида ҳаёт манбаидир. Қадимги Миср фираъвинларидан бири (Нефертитининг эри) Эхнатон исмини қабул қилган (Атонга – қуёшга сажда қилувчи), яъни Эхнатон - табиий термаядро реакторига сажда қилган. Қуёшдаги энергияни ҳосил бўлиши – термаядро реакцияси туфайлидир. Қуёш нурлари – бу водороднинг 4 дона ва гелийнинг бир дона атомининг қўшилганидир.

Термаядро реакцияси қуёшнинг ичидаги температура $t^0 = 20$ млн.С⁰ га етганда бошланади. Шунинг учун термаядро энергияси ер юзидаги барча энергетик ресурсларнинг биринчи манбаи ҳисобланади; қўмир, нефть, газ; гидроэнергия; шамол ва уммонлар энергияси.

Қуёш ер юзида барча энергия турларининг манбаи ҳисобланади. Қуёш ҳар секундда ўртача 88×10^{24} калория иссиқлик ёки 368×10^{12} ТВт энергия тарқатади. Аммо бу энергия микдорининг атиги 2×10^{-6} %, яъни 180×10^6 ТВт микдоригина ер юзасига етиб келади. Шу микдор ҳам ер юзидаги барча доимий энергия ишлаб чиқарувчи қурилмаларнинг энергиясидан тахминан 5000 баробар кўпdir.

5.2 Қуёш энергияси кадастри.

Қуёш радиацияси оқими ҳамда ташаётган энергия йиғиндиси тўғрисидаги маълумотлар қуёш кадастри ҳисобланади. Қуёш кадастри тўғрисидагимаълумотлар қуйидаги кўрсатгичларга асосан йиғилади:

- қуёш радиациясининг горизонтал текисликка тушаётган ойлик ва йиллик йиғиндилари;

- горизонтал текисликка тўғри нормал-уринма ҳолатида тушаётган қуёш нурлари;
- қўёшнинг нур сочиш вақти.

Умуман қуёш радиацияси оқими ҳамда тушаётган энергия йиғиндиси тўғрисидаги маълумотларни қўйидаги усуслар билан олиш мумкин:


- аниқ географик нуқтадаги маълумотларни ҳисоблаш йўли-аналитик усул билан;
- қисқа муддатда аниқ географик нуқтада, асбоб ва жиҳозлар билан ўлчаш орқали, тўғридан-тўғри маълумот олиш билан;
- қабул қилинган ягона усул билан кўп йиллик ўлчашлар ўтказган метеорологик станцияларининг маълумотлари йиғилган маълумотномалардан маълумот олиш билан.

Қуёш энергиясидан фойдаланишни ҳисоблашда асосан, қуёш нурининг 1 m^2 майдонга бераётган энергия миқдори ҳисобга олинади. Коинотнинг атмосфера қатламидан юқори қисмига тушаётган қуёш радиациясининг энергияси $1,395\text{ kVt/m}^2$ ни ташкил қиласди ва бу миқдор қуёш доимийси деб аталади¹. Аммо бу миқдор ер юзасига етиб келгунча ҳар хил қаршиликларга учрайди ҳамда йилнинг фасли ва ҳисоб қилинаётган ҳудуднинг кенглигига нисбатан унинг миқдори ўзгариб туради. Масалан, Ер юзасига тушадиган қуёш нурларининг ўртача интенсивлиги:

- Европа мамлакатларида – $2\text{ kVt соат}/\text{m}^2$;
- Тропик ва Осиё мамлакатларида – $6\text{ kVt соат}/\text{m}^2$ га тенг.

Ўзбекистон Республикаси серқуёш мамлакатлардан ҳисобланади. Бир йилда ўртача:

- 300 кун қуёшли кун ҳисобланади;
- $2980\div3130$ соат температуранинг ўртача миқдори $+42^\circ\text{ C}$ ни, куннинг узунлиги 14-16 соатни ташкил киласди (5.1-расм);




5.1 -расм. Ўзбекистон Республикасида ҳудуднинг кенглиги ва йилнинг фаслига нисбатан куннинг ёруғ вақти.

Ўзбекистон Республикаси серқуёш мамлакатлардан ҳисобланади. Бир йилда ўртача:

- 300 кун қуёшли кун ҳисобланади;
- $2980\div3130$ соат температуранинг ўртача миқдори $+42^\circ\text{ C}$ ни, куннинг узунлиги 14-16 соатни ташкил киласди (5.1-расм);
- чўл районларида температура $+70^\circ\text{ C}$ гача кўтарилади;

- хар бир m^2 майдонда 1 йилда 1900-2000 кВт гача қуёш радиацияси ҳосил бўлиши мумкин (5.2-расм).

Ўзбекистон Республикасида ҳудуднинг кенглиги ва йилнинг фаслига нисбатан куннинг ёруғ вақти, 27-расмда эса Марказий Осиё мамла катларида қуёш радиациясининг тақсимланиши кўрсатилган. Ўзбекистон Республикаси ҳудуднинг 16 ҳамда 21 кенгликларида куннинг ёруғлик даври 16-17 соатни ташкил қилиши кўриниб туриди.



5.2- расм. Марказий Осиё мамлакатларида қуёш радиациясининг тақсимланиши.

Қуёш энергиясидан иссиқлик ишлаб чиқаришда ҳам, электр энергия ишлаб чиқаришда ҳам фойдаланиш мумкин. Биринчи ҳолатда ясси концентрациялашган қуёш коллекторлари қўлланилади. Улардан иссиқлик ташувчи сифатида сув, ҳаво ёки антифризлар ишлатиш мумкин. Иккинчи ҳолатда эса, ёруғлик оқими энергияси фотоэлектр ўзгартиргичларда бевосита электр энергиясига айланади ёки иссиқлик электр станцияларнинг анъанавий схемалар ишлатилади.


4.3. Қуёш энергиясини йиғувчи қурилмалар қуёш энергиясидан иссиқлик ва электроэнергия олиш усуслари ва қурилмалари.

Инсоният қадим зомонлардан қуёшнинг қудратини сезганлар ва ўзларини бир умр унга боғлиқ эканликларини ҳис қилганлар. Шунинг учун қуёшдан тўхтовсиз қўпроқ фойдаланишни ўйлаганлар. Аввал қуёш нуридан қўшимча энергия олиш-сувни ва биноларни иситиш, денгиз сувларини тозалаш ва бошқа мақсадларини амалга оширишга ҳаракат қилишганлар.

Хозирги кунда дунёдаги барча мамлакатларда экологик тоза энергия ҳисобланган қуёш энергиясидан фойдаланишга ҳаракат қилинмоқда. Қуёш нурлари энергияси, иссиқлик ҳамда электр энергияси ишлаб чиқаришда фойдаланилмоқда.

Биринчи ҳолатда ясси концентрациялашган қуёш коллекторлари қўлланилса, иккинчи ҳолатда ёруғлик оқими энергияси фотоэлектр ўзгартиргичлар ёрдамида бевосита электр энергиясига айлантирилади (ёки қуёш нуридан олинган иссиқлик энергиясидан, анаънавий иссиқлик электр станцияларида гидек фойдаланилади).

Паст температурали (100°C гача) иссиқликни қүёш энергияси ёрдамида олиш, ҳозирча ишлаб чиқилган технологиялар бўйича унча мураккаб эмас ва у ер юзасининг хар хил нуқталарида узоқ вақт ривожланиш тарихига эга. 5.3 -расмларда қүёш нурларини йигувчи қурилмаларнинг турлари кўрсатилган.



5.3 -расм. Қүёш нурларини иссиқлик энергиясига айлантирувчи мосламалар:
а-анаънавий гелиостатлар; б- яssi гелиостатлар; в- гелиостатлардан келаётган қүёши энергиясини йигиб қүёш печига йўналтирувчи мослама.


Иссиқлик ишлаб чиқариш. Қүёш энергиясидан иссиқлик олиш унчақийин жараён эмас. Назарий жиҳатдан қүёш нурларини йигувчи мосламалар ёрдамида 5600°C га яқин иссиқлик олиш мумкин. Дунёда иккита улканқуёш печлари мавжуд: Ўзбекистон Республикаси ва Францияда. Ўзбекистондаги (5.3 б, в ва 5.4 а, б, в, г-расмлар) қүёш печининг температураси- $t^0 = 4000-4500^{\circ}\text{C}$ га тенг, Францияда ишга туширилган қүёш печининг температураси эса - $t^0 = 3800^{\circ}\text{C}$ га етади.

Иссиқ оқим (суюқлик ёки газ ҳолатидаги) ҳосил қилиш. Замонавий асбоблар конструкциясининг мукаммаллаштириш, қүёш нурларининг иссиқликка айлантириш самарадорлигини оширишга олиб келмоқда. Бу қурилмаларнинг асосий схемаси – суюқ ёки газ ҳолатидаги иссиқлик қабул қилувчи яssi қүёш коллекторлари қурилмасидан ташкил топган 5.5-расм). Бу система, биноларни иссиқ сув билан таъминлаш ва иситишда қўлланилади.


Қўёшдан қувват оладиган сув иситгич мосламалар қўёш коллектор орқали сув ҳароратини ошириш учун қўёш нурлари энергиясидан фойдаланилади. Шаффофф қопламали хаво ўтказмайдиган корпусли, қора рангга бўялган, сув ўтказгич найчаларга эга сингдирувчан металл пластина ва корпусининг орқа амда ёнбош деворларида иссиқликни йўқотмаслик учун изоляцияланган яssi қўёш коллекторлари кенг тарқалган.

5.5-расмда изолцияланган қувур – коллекторларга узатилган сув, қўёш нури остида 100°C гача иситилади ҳамда қувурлар орқали истеъмолчига – биноларни иссиқ сув билан таъминлаш ва иситишга узатилади. Биноларни иситишга узатилган сув совугандан сўнг насослар ёрдамида (ёки ўз оқими билан) яна иситиш коллекторларига узатилади. Жараён шу тарзда давом этади. 5.1-жадвалда қўёш сув иситгичларнинг тахминий нархлари келтирилган.

Электроэнергия ишлаб чиқариш. Қўёш энергиясидан икки хил усулда электроэнергия ишлаб чиқариш мумкин.



5.4 -расм. Ўзбекистон Республикасидаги қүёш печи:
а-қүёш печининг яssi гелиостатлари майдони; б-гелиостатларнинг яқиндан қўриниши;
в-гелиостатларга тушаётган қўёш нурларини йигиб олувчи гелиостатлар минораси (1) ва
қўёш печи (2); г-қўёш печининг умумий қўриниши.



5.5 -расм. Қўёш нуридан қувват оладиган сув иситгич қурилманинг соддалаштирилган схемаси.

Анаънавий усулда – суюқликни иситиш ва ҳосил бўлган буғни иссиқлик турбинасига узатиш орқали.

Фотоэлектр усулида.


5.1-жадвал.

Қуёш сув иситгичларнинг тахминий нархлари, АҚШ доллари.

Унумдорлиги, л	Коллекторнинг майдони, м ²	Нархи, АҚШ долларида
100	1,5	1000
200	3,0	1350
300	4,5	1900
450	6,0	2400


Анаънавий усулда қуёш энергиясини электр энергиясига айлантириш учун қуёш энергиясини йиғиб оловчи гелиостатларнинг -1 энергияси сувга тўлдирилган буғ қозонига -2 йўналтирилади. Ҳосил бўлган буғ, генераторни - 4 ҳаракатга келтирувчи иссиқлик турбинасига-3 узатилади. Турбинани ҳаракатга келтириб иш бажарган буғ конденсаторга -5, буғни сувга айлантирувчи мосламага узатилади. Конденсатордан чиққан суюқлик яна қуёш гелиостатларига узатилади ва шу тариқа жараён давом этади. 5.6-расмда қуёш энергиясини суюқлик - буғ ёрдамида электр энергиясига айлантириш схемаси берилган.

Фотоэлектр усульда электр энергияси ишлаб чиқариш. Маълумки қуёш нурини элемтромагнит тўлқинлари деб қараш мумкин. Квант назариясига асосан, элемтромагнит тўлқинларига нол массали элементар заррачалар - фотонлар деб қаралади. Қуёш энергиясини фотоэлектрикэнергияга қайта айлантириш асосида 1887 йилда Герц томонидан яратилган, ёргулик фотонларинг баъзибир металларнинг элемтронлари билан киришуви натижасида элемтронлар маълум микдордаги энергияга эга буладилар. Мана шу энергиядан фойдаланган ҳолда қуёш энергиясидан тўғридан - тўғри элемтроэнергия олиш мумкин. Бу жараёнга фотоэффект ходисаси дейилади.



**5.6 -расм. Қуёш энергиясини электр энергиясига айлантириш схемаси:
1-гелиостатлар; 2- қозон; 3-турбина; 4- генератор; 5- конденсатор (буғни сувга айлантирувчи курилма).**


Шундай килиб, фотоэлектр ячейкаларида ёргулик нурланиш энергияси электр энергиясига айлантирилади. Фотоэлектр ячейкаларини тайёрлашда биринчи булиб моно ёки поликристалл кремнийдан фойдаланилган (5.7-расм). Ҳозирги кунда бу элементдан тайёрланадиган ячейкалар, бутун дунёда урнатилган тизимларнинг 80 фоизини ташкил этади. Уларнинг фойдали иш коэффиценти $11 \div 16$ фоизни ташкил этади.



5.7-расм. Кремний пластинкаларини ишлаб чикириш жараёни.

Кейинги вактларда фотоэлектор ячейкалар аморф кремний, кадмий – теллурид ёки мис – индий-селиндан юпка плёнкалар шаклида тайёрлана бошлади. Уларнинг фойдали иш коэффиценти қарийб 8 фоизни ташкил этади, бирок моно ёки поликристалл кремнийдан тайёрланадиган фотоэлектр ячейкаларга қараганда тайёрланиши арzonрокдир.

Хозирги вақтда фотоэлектр ячейкаларининг фойдали иш коэффицентини $30\div60$ фоиз-га ошириш устида илмий-тадқикот ишлари олиб борилмокда. Бунинг учун плёнкаларни 4÷8 марта устма- уст ўрнатиш зарур булади. Ушбу тадқикотлар натижасида қурилма қуввати оширилади ҳамда ишлаб чикириш нархи кескин пасаяди. Фотоэлектр тизими доимий электр токини ишлаб чиқаради ва инвертор ёрдамида доимий электр токи, ўзгарувчан токка айлантирилади(5.8-расм).



5.8-расм. Қуёш батареясидан электроэнергия олиш схемаси.

4.4. Қүёш электростанциялари.

Бир неча қүёш қурилма(батарея)ларини бир -бирига улаб қүёш электростанцияларини ташкил қилиш мумкин. Ҳозирги кунда дунёда жуда қўплаб қүёш электростанциялари қурилиб ишга туширилган. Дунёдаги энг катта қүёш электростанцияси ҳакида маълумот келтирилган.

Мамлакатимизнинг Самарқанд вилоятида, Осиё тараққиёт банкининг ёрдамида, дунёда энг йирик қүёш фотоэлектрик станцияси қурилиши режалаштирилди. Қүёш электро-станцияси 400 га майдонга жойлашиб, унинг қуввати 100 МВт ни, йиллик электроэнергия ишлаб чиқариш эса, 200 млн. кВт/соатни ташкил қиласди. Электростанциянинг қурилиши 5 йил давом этиб, 2019 йилнинг март ойида ишга туширилиши кутилмоқда.

«Ўзбекэнерго» ДАК мутахассисларининг ҳисобларига қараганда Ўзбекистон Республикаси худуди, қүёш энергияси бўйича жуда катта имкониятларга эга. Мамлакатдаги барча қайта тикланувчи энергия манбаларининг 99 % ни қүёш энергияси ташкил қилиб, 50млрд. тонна нефть эквивалентига teng эканлиги аниқланди. Ҳукуматнинг ноанаънавий ва қайта тикланувчи энергия манбаларидан фойдаланиш бўйича олиб бораётган тадбирлари натижасида 2031 йилда мамлакатда истеъмол қилинаётган электроэнергиянинг 21% қайта тикланувчи энергия манбаларида ишлаб чиқариладиган электроэнергия билан қопланади.


Халқаро ҳамжамиятнинг қайта тикланувчи энергия манбаларидан фойдаланиш бўйича тажрибалари билан танишиш учун, Ҳукуматимиз томонидан қўплаб ҳалқаро илмий анжуманлар ташкил қилинмоқда. «Қайта тикланувчи энергия манбалари Марказий Осиёда, озиқ-овқат хавфсизлигини таъминлашда ҳамда узоқда жойлашган аҳоли пунктларини ижтимоий-иқтисодий шароитларини яхшиловчи муҳим омилдир» мавзусида 2008 йил ноябрь ойида ўтказилган ҳалқаро анжуман ҳам, ушбу соҳада олиб борилаётган илмий, илмий-тадқиқот, конструкторлик ва қайталанувчи энергия манбаларига ўрнатилган энергетик қурилмалар билан танишиш имконини берди.

Ҳозирги кунда қүёш энергиясидан фойдаланиш учун жуда катта инвестицион маблағлар киритилмоқда. 2013 йилнинг ноябрь ойида мамлакатимиз Президентининг ташаббуси билан Тошкентда, «Қуёш энергетикаси технологияларининг истиқболлари ва йўналишлари» мавзусида «Қуёш энергияси бўйича Осиё форуми»нинг 6 -йифилиши бўлиб ўтди. Ушбу йифилишда Президентимиз, охирги 5 йилда қүёш энергиясидан фойдаланишга киритилаётган инвестициялар миқдори 520 млрд. долларни, шундан 2012 йилда 143 млрд. долларни ташкил қилганини, 2012 йилда қүёш энергиясидан электроэнергия ишлаб чиқариш 113 млрд. кВт/соатни, шундан фотоэлектрик қүёш станциялари билан 110 млрд. кВт/соат электроэнергия ишлаб чиқарилганини таъкидлаб ўтдилар.

5.5. Космик қүёш электростанциялари.

Ҳозирги кунда қүёш радиацияси зичлигининг камлиги, унинг йилнинг фаслига ҳамда оби-ҳавога боғликлиги туфайли, қүёш энергиясидан катта миқдорда электроэнергия олиш имкони йўқ. Юқоридаги камчиликларни бартараф қилиш учун ернинг сунъий йўлдоши шаклидаги қүёш электростанцияларини қуриш лозим. Натижада оби-ҳавонинг қандай бўлишига қарамасдан, қүёш энергиясидан куннинг 24 соатида фойдаланиш мумкин. Сунъий ер йўлдошларига ўрнатилган қүёш электростанциялари ишлаб чиқарадиган электроэнергия, ердаги истеъмолчиларга ултра қисқа тўлқинлар(узунлиги 10 см га teng) канали орқали узатилади. Узатилган тўлқинлар ердаги қабул қилиш антенналари ёрдамида қабул қилинади ва ерда саноат частотаси энергияси(50 гц)га айлантирилиб истеъмолчига узатилади.

Сунъий ер йулдошларига ўрнатилган қуёш электростанциялари фойдали иш коэффициентини келажақда 77-95 % га етказиш режалаштирилган.



5.9-расм. Ернинг сунъий йўлдошига ўрнатилган қуёш электростанциясининг схемаси:

а-схемаси; 1 қуёш энергияси оқими; 2-қуёш энергиясининг сунъий йўлдоши коллектори; 3-узатувчи антенна; 4-қабул қилувчи антенна; 5-қисқа тўлқинли нур; 6-энергетик сунъий йўлдошининг доимий орбитаси; *б-сунъий йўлдошига ўрнатилган қуёш электростанциясининг умумий кўриниши*

Қуёш электростанцияларининг ўртача камрайдиган майдони 20 km^2 га teng бўлиб, узатиш антеннасининг диаметри 1 км га ва қабул қилиш антеннасининг диаметри 7 -10 км га teng бўлади. 5.9 -расмда ернинг сунъий йўлдошига ўрнатилган қуёш электростанциясининг схемаси келтирилган.

5.6. Қуёш энергиясидан ишлаб чиқаришда фойдаланиш.

Ота-боболаримиз қуёш энергиясидан сувни иситишида, хонадонларни иситишида (қуёш чиқишига қараб қуриб) фойдалангандар. Ҳозирги кунда қуёш энергиясидан катта ва ўрта насос станцияларини ўз эҳтиёжи учун истеъмол қилинадиган энергия билан таъминлашда, асосий энергетик тармоқлардан узоқда жойлашган суғориладиган ерларни ер ости сувлари билан таъминлашда фойдаланилмоқда.

Қуёш фотоэлектрик станцияларида ишлаб чиқарилган электр энергиясининг истеъмолчиларга етказишнинг қуидаги усулларидан дунё тажрибасида кенг фойдаланилди.

1. 100 кВт ва ундан юқори қувватдаги Қуёш фотоэлектрик станциялари анаънавий усулларда ишлаб чиқилган электр энергиясини узатиш линиясига тўғридан тўғри уланади. Ушбу электр станцияси ёрдамида куннинг ёруғ пайтларида электр тармоғига қўшимча электр энергияси берилади, тунги пайтларда эса ушбу электр станциясидан фойдаланиб бўлмайди;

2. $10-100$ кВт қувватдаги Қуёш фотоэлектрик станциялари анаънавий усулларда ишлаб чиқилган электр энергиясини узатиш линиясига тўғридан тўғри улаш билан биргаликда ишлаб чиқариш корхоналарига анаънавий усулда ишлаб чиқилган электр энергиясига куннинг ёруғ пайтларида эквивалент сифатида фойдаланилди;

3. Куввати 10 кВт гача бўлган фотоэлектрик станциялари ёрдамида эса кичик қувватдаги электр энергияси истеъмолчиларини автаном ёки захира электр энергия манбай сифатида электр энергияси билан таъминлаш мумкин. Ушбу усулда истеъмолчиларни тунда ҳам электр энергияси билан таъминлаш учун аккумулятор батареяларидан фойдаланилади.

Тошкент вилояти «Насос станциялари, энергетика ва алоқа» бошқармасига қарашли «ТошГРЭС» насос станциясини ўз эҳтиёжлари учун зарур бўлган электр энергия билан таъминлашда учинчи усулдан фойдаланилди. Чунки насос станцияси биноси ичкариси ва ташқариси-ҳовлисини асосан тунги пайтларда ёритиш лозим эди. Булатли кунларида ҳам истеъмолчиларни Куёш электр станцияси ёрдамида автоном равишда электр энергияси билан таъминлаш учун Куёш панелларининг қуввати истеъмолчиларнинг қувватидан 1,5 баробар каттароқ танланди. Куёш батареялари кун давомида ишлаб чиқсан электр энергиясининг асосий қисмини аккумулятор батареяларига йигади ва кечаси истеъмол қилинади.

5.7 Комбинациялашган энергиядан фойдаланиш.


Маълумки мамалакатимизда ҳар бир фасл ўз вақтида киради, бир йилдаги қуёшли кунлар 300-320 кунга тўғри келади, ёз ойларидаа қуёшли куннинг давомийлиги 14-16 соатни ташкил қиласди.

Аммо йил бўйи қуёш кўринмайдиган булатли кунлар ҳам бўлиб туради. Бундай кунларда электр энергиясинн ишлаб чиқариш учун, энг яхшиси комбинациялашган – сув, қуёш ва шамол энергияларидан фойдаланиш мақсадга мувофиқ бўлади.


Республикамиз шамол энергиясига жуда бой эмас. Одатда шамол энергоқурилмалари шамолнинг 8-25 м/с тезлигига самарали ишлайди. Жуда кўп районларда шамолнинг тезлиги жуда кам. Аммо охирги ишлаб чиқилган шамол энергоқурилмаларини шамолнинг 5 м/с тезлигига ҳам bemalol эксплуатация қилиш мумкин.

Шундай қилиб, қуёшнинг энг кам ёруғлик берган даврида ёки шамолнинг энг кичик тезлигига ҳам комбинациялашган сув-қуёш-шамол энергоқурилмаларидан фойдаланиб фермер хўжалигига доимо сув етказиб бериш мумкин.

Қуйидаги 5.10-расмда қуёш ва шамол энергоқурилмалари ҳамда 6.30-расмда сув, қуёш ва шамол энергоқурилмаларидан ташкил топган комбинациялашган энергия билан таъминлаш тизими келтирилган.



5.10-расм. Комбинациялашган энергоқурилмадан энергия олиб, вертикал қудуклардан сув қўтариб бераётган SQF насос қурилмасининг схемаси.



6.30. Қишлоқ хұжалик әқинлари (боғлар ва узумзорлар) учун қудукқа ўрнатылған насос қурилмаси ёрдамида сув күтариб берадиган комбинациялашған сув күтариш қурилмалари тизими:

1-қүёш энергокурилмаси; 2-шамол энергокурилмаси; 3-гидравлик энергокурилма 4-вертикал насос қурилмаси ўрнатылған қудук; 5-сув идиши (хар хил материалдардан тайёрланған); 6-IO 102 маркилы бөшқарув блоки; 7-сув узатиши құвури; 8-сув миқдорини бөшқарувчи кран; 9-тақсимлаш құвурлари; 10-томчилатгичли полиэтилен (ёки бөшқа материалдардан тайёрланған) құвурлар.

Назорат саволлар:

1. Күёш энергияси кадастри-қүёшнинг қайси характеристикаларини ҳисобға олади?
2. Күёш энергиясини йиғувчи қандай қурилмалар мавжуд?
3. Күёш энергиясидан қайси энергия турларини олиш мүмкін?
4. Ўрта Осиёда энг катта қүёш электростанциясини қаерда барпо этиш режалаштирилған ва унинг қувват неча МВтни ташкил қилиши мүмкін?
5. Космик қүёш электростанциялари ишлаб чиқарадиган энергия ерга қандай узатилади?
6. Күёш энергияси ёрдамида насослар билан сув күтариб бериш мүмкінми?
7. Қайта тикланувчи энергия манбаларидан комбинациялашған энергокурилмалар мажмуасини яратиш мүмкінми?

Фойдаланилған адабиётлар:

1. Advanced Renewable Energy Sources Cambridge, UK, 2012 (English). -535 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.
3. Мухаммадиев М.М., Уришев Б.У. Энергетические установки малой мощности на базе возобновляемых источников энергии. Ташкент, ТашГТУ, 2011. - 159 с.

6- мавзу: Биомасса ва биогаз энергиясидан фойдаланиш.

Режа:

- 6.1 Биомасса ва унинг таркиби.
- 6.2 Биогаз, унинг таркиби, ҳосил бўлиш жараёни ва миқдори.

6.3 Биогаз олиш қурилмалари ва улардан фойдаланиш жараёни

6.4 Биогаздан фойдаланиш афзаликлари.

Таянч иборалар: биомасса; бирламчи биомасса; иккаламчи биомасса; биоёқилги; биочиқинди; қишлоқ хўжалик чиқиндилари; биогаз; метентек; қорамол, чўчқа ва парранда тезаклари; дуккакли, картошка ва помидор поялари; биогаз тайёрлаш технологияси; биореактор; газгольдер.

6.1 Биомасса ва унинг таркиби.

Биомасса – ўсимлик ва ҳайвонот дунёсидаги барча органик моддаларни келиб чиқишини бирлаштирувчи терминдир. Биомасса **бирламчи** - ўсимликлар, ҳайвонлар, микроорганизмлар ва бошқалар ҳамда уларнинг узоқ йиллик жараёнлардан сунг бошқа турдаги ёқилғига айланиши ва **иккаламчиларга** (биомассани қайта ишлашда ҳосил бўладиган чиқиндилар ҳамда инсон ва ҳайвонларнинг ҳёти давомида фойдаланилайдиган маҳсулотлар) бўлинади. Ўз навбатида чиқиндилар ҳам **бирламчиларга** – бирламчи биомассани қайта ишлагандаги ҳосил бўладиган чиқиндилар (хашак, поя ва барглар, қириндилар, спирт қуйқаси, шох-шаббалар) ва **иккаламчиларга**-инсон ва ҳайвонот дунёсининг физиологик олмошиши маҳсулотлари киради.



6.1-расм. Биоёқилғи хом ашёлари:

а- қоратоллардан барпо қилинган биоёқилги майдонлари; б- ўсимлик дунёсининг узоқ йиллик биологик жараёнлардан сунг торф ҳолатидаги кўриниши.

Бундан ташқари баъзибир Европа мамлакаталарида, электр энергияси олишда, хом ашё сифатида ўрмонларни ҳаддан кўп кесилишини олдини олиш учун маҳсус тез ўсадиган ўсимликлардан фойдаланишади. Масалан Швецияда, биомасса учун маҳсус тез ўсар қоратоллар экиласди (6.1а-расм). Қоратоллар экиласдиган майдонлар миқдори, биомасса билан ишлайдиган электр станцияларининг биомасса ёқиғиси билан таъминланишига нисбатан белгиланади. Бундай станциялар биологик ёқилғи сифатида биомассадан ташқари, биомассанинг узоқ йиллик биологик жараёнлардан кейинги кўринишидаги торф ва бошқа ёқилғилардан ҳам фойдаланиши мумкин (6.1б-расм).

Биомасса кенг кўламли қайта тикланадиган энергия ресурслари демакдир ва ёғоч, саноат, қишлоқ хўжалиги ва майший чиқиндиларни ўз ичига олади. Биомассадан энергетика манбаи сифатида ёқиш, газлаштириш, пиролиз, спирт ёки биогаз олиш учун биокимёвий қайта

ишиш орқали фойдаланиш мумкин. Бу жарайонларнинг ҳар бири, белгланган мақсадда кўлланиш соҳасига эга.

Баъзibir маълумотларга кўра, биомассадан олинадиган энергиянинг дунё энергетикасига кўшадиган ҳиссаси 12 % ни ташкил қилади. Европа Иттифоқи мамлакатларида биомассадан олинадиган энергия микдори, умумий энергиянинг атиги 3 % ни, аммо баъзи мамлакатлarda масалан, Австрияда - 12%, Швецияда - 18% ва Финляндияда - 23% ни ташкил қилади.

Бирламчи биомассани табиий ҳолда қуруқликда ва сувда ўсадиган ўсимликлар ташкил қилади. Биомасса фотосинтез натижасида ҳосил бўлади, яъни фотосинтез натижасида қуёш энергияси, ўсаётган ўсимлик массасида тўпланади. Фотосинтезнинг энергетик фойдали иш коэффициенти ўртача 5 % ни ташкил қилади.

Энергия олиш мақсадида бирламчи биомассадан, анаънавий ёқилғилар ўрнини қопладиган ёқилғи сифатида фойдаланилади. Бирламчи биомассага, ўмон ва ёғочни қайта ишиш саноати ҳамда қишлоқ хўжалик маҳсулотлари чиқиндилиарини киритиш мумкин.

Ўзбекистонда суфориладиган қишлоқ хўжалик майдонларини асосан ғўза, ғалла, тамаки, кунгабоқар ва полиз экинлари эгаллайди. Хозирги кунгача ғўзанинг поясидан қисман спирт, қофоз ва бир қанча курилиш материалларини ишлаб чиқаришда ҳом ашё сифатида фойдаланиб келинади. Қолган ўсимликларнинг поялари ташлаб ёки ёқиб юборилади. Мана шу қишлоқ хўжалик чиқиндилиаридан ҳам биомасса, яъни био ёқилғи сифатида фойдаланиш мумкин.

6.2 Биогаз, унинг таркиби, ҳосил бўлиш жараёни ва микдори.

Биологик чиқиндилиарни тўғридан-тўғри ёқиши йўли билан энергия олишдан ташқари биогаз ҳам олиш мумкин. Биогаз нима? Биогаз, ҳар хил биологик маҳсулотларни ҳавосиз муҳитда ферментация-ачиши натижасида ҳосил бўладиган маҳсулотdir.

Биогаз-газларнинг аралашмаси. Унинг асосий ташкил қилувчилари: метан (CH_4) - 55-70% , углерод диоксида (CO_2) – 28-43% ва оз микдордаги масалан, 500 промилл водород сульфид (H_2S) ва бошқа газлардир. Ўртача 1 кг органик модда 70 % биологик парчалангандা 0,18 кг метан, 0,32 кг карбонот ангидрид, 0,2 кг сув ва 0,3 кг ажралмайдиган қолдиққа бўлинади. Ферментация натижа- сида ҳосил бўлган газлардан уйларни ва сувни иситишда, овқат тайёрлашда ва бошқа мақсадларда фойдаланиш мумкин. Айниқса асосий энергетик тармоқлардан узоқда жойлашган қишлоқларда биогаздан фойдаланиш, қишлоқ аҳолиси учун жуда кўп кулагиларни яратишга хизмат қилади.

Биогаз ва органик ўғитлар ҳосил бўлиш жараёни маҳсус биореакторлар-метантенкларда амалга оширилади.

Унитилган ёқилғи манбаси ҳисобланган биогаз, қадим Хитойда биринчи бўлиб фойдаланилган. Шунинг учун хозирги кунда, биогаз ишлаб чиқариш бўйича дунёда етакчи ўринларни Хитой эгаллайди. Ўтган асрнинг 70-йиллари ўрталарида бу мамлакатда бир миллионга яқин метантенклар қурилиб ишга туширилган. Хозирги вақтда уларнинг сони 20 млн. дан ошиб кетган. Хитой Халқ Республикасида миллий энергоистеъмолининг 30 % биогаз ҳисобидан қопланади.

Биогаз ишлаб чиқариш бўйича дунёда иккинчи ўринни Ҳиндистон эгаллайди. Ўтган асрнинг 30-йилларида дунёда биринчи бўлиб Ҳиндистонда биогаз олиш технологиясини ривожлантириш бўйича миллий дастур қабул қилинган. 2000 йилнинг охирларида Ҳиндистоннинг қишлоқларида қурилган метантенкларнинг сони 1 млн. дан ошиб кетди. Натижада бир қанча қишлоқларнинг энергия билан таъминланиши ҳамда уларнинг санитар-гигиеник ҳолати яхшиланди, ўрмонлардаги дараҳтларни кесиш кескин камайди ва тупроқнинг

таркиби яхшиланди. Бугунги кунда Ҳиндистонда кунлик биогаз ишлаб чиқариш миқдори $2,5 \div 3,0$ млн. m^3 дан ошиб кетди.

Непалда миллий биогаз компанияси ташкил қилинди ва у фаол билан иш олиб бормоқда. Японияниянинг 8 дона чорвачилик хўжаликларида қурилган биогаз қурилмалари муваффақиятли эксплуатация қилинмоқда.

Дастлабки ҳисоблар шуни қўрсатадики, чиқиндилар билан аралаштирилган 1 тонна ўсимлик биомассасидан $350 m^3$ (метан, водород) газ олиш мумкин.

Бир сигирнинг гўнгидан бир кунда $4,2 m^3$ гача биогаз олиш мумкин. $1 m^3$ биогазнинг энергияси, $0,6 m^3$ табиий ёқилғи газ, $0,74$ л нефть, $0,65$ л дизель ёқилғиси, $0,48$ л бензин ва бошқаларнинг энергиясига тўғри келади. Биогаз қўллаш билан ёқилғи мазути, кўмир, электроэнергия ва бошқа электр энергияси ишлаб чиқарувчи манбалар тежалади. Биогаз қурилмаларини тадбик этиш, чорвачилик ва паррандачилик фермаларининг ҳамда улар жойлашган атроф-муҳит экологиясини яхшилайди.


Бир килограмм гўнгдан қанча газ олиш мумкин? Бир литр сувни қайна-тиш учун 26 литр газ сарфланшини ҳисобга олиб қуйидаги чиқиндилардан қанча сувни қайнатишга етарли газ олиш мумкинлиги аниқланган:

- қорамолнинг 1 кг гўнгидан $7,5 \div 15$ литр сувни қайнатишга;
- чўчқанинг 1 кг гўнгидан 19 литр сувни қайнатишга;
- қушларнинг 1 кг тезагидан $11,5 \div 23$ литр сувни қайнатишга;
- дуккакли экинларнинг 1 кг похолидан $11,5$ литр сувни қайнатишга;
- картошканинг 1 кг поясидан 17 литр сувни қайнатишга;
- помидорнинг 1 кг поясидан 27 литр сувни қайнатишга.

Биогазнинг афзаллilikларидан бири, ҳоҳлаган жойда иссиқлик ва электроэнергия ишлаб чиқаришдан иборатdir.

Чиқиндиларни биоконверсия жараёни, энергетик муаммони ҳал қилишдан ташқари яна иккита масалани ҳал қиласди. **Биринчидан**, ачиган гўнг одатдаги гўнгга қараганда қишлоқ хўжалик экинларининг ҳосилдорлигини $10 \div 20\%$ оширади.

Иккинчидан, чиқиндилар ачиган вақтда гўнг таркибида кўп миқдорда бўлган бегона ўтларнинг уруғлари, ҳар хил микробларнинг бирикмалари, гелминтин уруғлари ва ёқимсиз ҳидлар йўқотилади.




6.2-расм. Биоэнергия олиш жараёни.

Биогаз олиш қурилмаларининг схемаси ва конструктив-технологик параметрлари, қайта ишланадиган хом ашёнинг ҳажмига, ачитиладиган хом ашё материалининг хоссаларига, иссиқлик-намлик режимига, хом ашёни юклаш ва ачитиш усулиги ва бошқа бир қанча факторларга боғлиқидир. Биогаз қурилмасининг асосий жиҳози-иссиқлик алмаштирувчи герметик ёпилган идиш (иссиқлик узатувчи $50-60^{\circ}\text{C}$ гача қизлирилган сув), гүнгни киритиш ва чиқариш ҳамда хосил бўлган газни чиқариб кетиш мосламалариdir. 6.2-расмда биоэнергия олишнинг тўлиқ жараёни кўрсатилган.

Биогаз қурилмалари хилма-хил бўлиб, уларнинг конструкцияси, маҳаллий шароитга ҳамда биогаз олиш учун хом ашё миқдорига боғлиқидир. Қуйида баъзибир биогаз қурилмаларинг конструкцияларини кўриб чиқамиз.

6.3-расмда биогаз реакторининг соддалаштирилган схемаси келтирилган. Схемага асосан, хом ашё - сув ва гүнг араплашмаси биореакторга жойлаштирилади. Хом ашё – субстрат миқдори биореактор ҳажмининг 90 % ни тўлдиришга етиши лозим. Субстрат биореакторда $7 \div 12$ кун ушлаб турилади. Олинган газни ёқиб ҳар хил мақсадларда фойдаланилади, ёхуд уни иссиқлик ёки электроэнергияяга айлантириш мумкин. Фойдаланиб бўлинган хом ашё биореактордан чиқариб ташланади ва биореактор янги хом ашё билан тўлдирилади.



6.3-расм. Биогаз реакторининг соддалаштирилган схемаси

6.3 Биогаздан фойдаланиш афзаликлари.

Биогаз мосламаларида фойдаланиш куйдаги афзаликларга эга.

- биогаз CO_2 га караганда нейтрал ёкилғи хисобланади, ундан фойдаланиш эса атмосферада органик чикиндиларни ачитишида юзага келадиган метан гази миқдори купайишининг олини олади;
- ачитилган бимоссадан олинадиган ўғитлар қиймати бошланғич хом ашёнидан анча юкори;
- фермерларга қарашли ерларда озуқа моддаларини экологик хафсиз ва иқтисодий фойдали услугуда иккиласми қайта ишлаш қаттиқ биомассани биогаз олиш учун ачитишининг афзалилиги ҳибланади;
- атроф-муҳитнинг ифлюсланиши камайиши хисобига инсонларнинг соғлиги яхшиланади;

- узоқ қишлоқларда ҳам майший қулайликлар яратади;
- ерларни ҳосилдорлигини оширади;
- чиқиндилярдан фойда олиш имконини беради;
- энергетик қарамликтан озод қиласы.

Шунинг учун ҳозирги кунда мамлакатимизда биогаздан кенг фойдаланиш йўлга кўйилмоқда. Баъзи ноанаънавий энергетик манбалардан фойдаланишни секин ривожланиши, уларни ишлаб чиқариш, анаънавий энергия ишлаб чиқаришга қараганда қимматлигидадир.

Масалан, бир кунда 300 тонна кувватга эга биогаз мосламасининг яратиш учун талаб эталадиган умумий маблағ тахминан 6,4 миллион АҚШ долларини ташкил этади. Бунархкелгуси 15 йилда 5,8 дан 5 миллион АҚШ доллиригачатушуки тулилмоқда. Шунинг учун ҳозирги вактда, бир кунда тахминан 6-8 м³ биогаз ва 100-120 литр ўғит ишлаб чиқарадиган кичик биореакторлар ўрнатилмоқда. Ударнинг энг кам нархи 250 АҚШ долларини ташкил этади. Майший истеъмолчиларга мўжалланган биогаз мосламаларидан фойдаланган холда, кичик хўжаликлар ва фермерлар учун ўғит ишлаб чиқариш уларнинг иктисадий самарадорлигини оширишга ёрдам беради.

Назорат саволлар:

1. Биомасса деганда нимани тушунасиз?
2. Бирламчи ва иккаламчи биомассалар қандай ҳосил бўлади?
3. Биогаз деганда нимани тушунасиз?
4. Биогаз қандай қурилмаларда ҳосил қилинади?
5. Биогаз ҳосил қилиш ва ундан фойдаланиш технологиясини кўрсатинг?
6. Биогаз реактори ва газогольдер қандай вазифаларни бажаради?

Фойдаланилган адабиётлар:

1. Advanced Renewable Energy Sources Cambridge, UK, 2012 (English). -535 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.
3. Имомов Ш.Ж. и другие. Альтернативное топливо на основе органике. "Фан", Ташкент, 2013. -260 с.

IV. АМАЛИЙ МАШГУЛОТ МАТЕРИАЛЛАРИ

1-амалий машгулот: Йирик ирригацион каналлардаги энергетик нұқталарни аниқлаш

Ишнинг мақсади- Тигновчиларни Ўзбекистон Республикасидаги кичик ва ўрта ГЭСлар қуриладиган улкан ирригация каналлари ҳамда улардаги энергетик нұқталарни аниқлаш билан таништириш.

Масаланинг қўйилиши: Энергетик характеристикаларга нисбатан ҳар бир энергетик нұқталардаги қувват ҳамда йиллик ишлаб чиқариладиган электроэнергия миқдори ҳисоблаш лозим.

Ишнинг бажариш учун намуна

Мамлакатимиздаги йирик каналлар танлаб олинади. Уларнинг нишаблигига нисбатан энергетик нұқталар ўрни аниқланади. Аниқланган энергетик нұқталардаги энергетик характеристикалар қабул қилинади. Энергетик характеристикаларга нисбатан ҳар бир энергетик нұқталардаги қувват ҳамда йиллик ишлаб чиқариладиган электроэнергия миқдори ҳисобланади (1-жавдвал).


1-жавдвал. Янги Дарғом каналининг асосий энергетик ва гидравликхарактеристикалари

Т. р.	ГЭСларнинг номи	Хисоб босими, м	Хисоб сув сарфи, м ³ /с	Кувват, МВт		Ўртacha йиллик кафолат ланган	Кўп ўрнат иlgan	Агре- гатлар сони, дона
				кафолат ланган	ўрнат иlgan			
1	35+00-пикет- даги 1- ГЭС	11,0	56	0	5,1	23,4		2
2	58+50-пикет- даги 2- ГЭС	11,5	56	0	5,3	23,4		2
3	88+00-пикет- даги 3- ГЭС	11,0	56	0	5,1	23,4		2

Ишнинг натижалари: Берилган амалиёт ишини топширишда тигновчи томонидан қуидаги шартлар бажарилади:

1. Ўқитувчи томонидан берилган йирик ирригация каналларидағи энергетик нұқталар ўрни аниқланади.
2. Энергетик нұқталардаги энергетик характеристикалар қабул қилинади.
3. Энергетик нұқталарнинг қуввати ва ишлаб чиқариладиган йиллик электроэнергия миқдори ҳисобланади.

Маълумки ирригацион каналларнинг трассасида, бир неча кичик ва ўрта ГЭСлар қуриш имконияти мавжуд бўлиши мумкин. Қурилиши керак бўлган ГЭСларнинг ўрнини, яъни энергетик нұқталарни аниқлаш албатта каналнинг нишаблигига ҳамда унинг ер сатҳига нисбатан қандай чукурикда жойлашганлигига боғлиқдир. Одатда каналнинг нишаблигига нисбатан энергетик нұқталардаги хисоб босимини 5÷15 м атрофида қабул қилишади (1-расм).



1.1-расм. Янги-Дарғом каналининг энергетик нуқталар кўрсатилган бўйлама кесими.

Назорат саволлари:

1. Йирик ирригация каналларидағи энергетик нуқталар қандай аниқланади?
2. Каналлардаги энергетик нуқталарнинг ҳисоб босими нимага нисбатан қабул қилинади?
3. Энергетик нуқталардаги энергетик характеристикалар қандай аниқланади?
4. Энергетик нуқталардаги қувват ва йиллик электроэнергия ишлаб чиқариш миқдори қандай ҳисобланади?

Фойдаланилган адабиётлар:

1. Advenced Rene-wable Energy Sources Cambridge, UK, 2012 (English). -520 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.

2-амалий машғулот:

Ирригацион-энергетик каскадлар схемасини ишлаб чиқиш

Ишнинг максади – тингловларни Ўзбекистон Республикасидаги кичик ва ўрта ГЭСлар курилган улкан ирригация каналлари ҳамда уларни ишлаш режими билан таништириш.

Масаланинг қўйилиши: Суғоришга сув олиниши ёки олинмаслигига қараб, ҳар бир кичик ёки ўрта ГЭСларнинг ҳисоб сув сарфи миқдорларини аниқлаш лозим

Ишни бажариш учун намуна

Бу тартиб, Ўзбекистон Республикасидаги улкан ирригация каналлари ҳамда уларнинг ишлаш режимини аниқлашга асосланган. Тигновчилар, танлаб олинган каналлар режимини - уларнинг узунлиги бўйича курилган кичик ва ўрта ГЭСлар оралиғидаги машина каналларидан суғоришга сув олиниши ёки олинмаслигини аниқлашлари лозим.

Ишнинг натижалари. Берилган амалиёт ишини топширишда тигновчи томонидан қуийдаги шартлар бажарилади.


1. Ўқитувчи томонидан берилган йирик ирригация каналларига қурилган кичик ва ўрта ГЭСларнинг ишлаш режимлари аниқланади.

2. Йирик ирригация каналларининг ишлаш схемалари тузилади.

Маълумки ирригацион каналларнинг трассасида, бир неча кичик ва ўрта ГЭСлар қуриладиган энергетик нуқтлар бўлиши мумкин. Ушбу нуқталардаги ГЭСларнинг ҳисоб сув сарфлари, қуидаги икки хил схемада аниқланиши мумкин.

1. Каскаддаги ГЭСлар оралиғидаги машина каналидан бирорта ҳам сувдан фойдаланувчи томонидан сув олинмайди. Биринчи ГЭСдан ўтаётган сув микдори, машина каналга сув узатадиган каскаддаги охирги ГЭСда ўтаётган сув микдорига тенг бўлади (1-расм) яъни,


$$\sum Q_{\text{каксад}} = Q_{\text{ГЭС-1}} = Q_{\text{МК-1}} = Q_{\text{ГЭС-2}} = Q_{\text{МК-2}} = Q_{\text{ГЭС-3}} = Q_{\text{МК-3}} = Q_{\text{ГЭС-4}} = Q_{\text{МК-4}} = Q_{\text{ГЭС-5}} = Q_{\text{МК-5}} = Q_{\text{ГЭС-6}} = Q_{\text{машина канали}}$$



2.1-расм. Каскадлар оралиғидаги машина каналидан сув олинмайдиган ГЭСлар каскади схемаси:МК-машина канали; ГЭС-насос станцияси.

2. Каскаддаги ГЭСлар оралиғидаги машина каналларидан кўплаб сувдан фойдаланувчилар томонидан сув олинади (2-расм) яъни,

$$\sum Q_{\text{каксад}} = Q_{\text{ГЭС-1}} - (\text{СИ}_{1-\text{чап}} + \text{СИ}_{1-\text{ўнг}} + \text{СИ}_{2-\text{чап}} + \text{СИ}_{2-\text{ўнг}}) = Q_{\text{ГЭС-2}} - (\text{СИ}_{2-\text{чап}} + \text{СИ}_{3-\text{ўнг}} + \text{СИ}_{3-\text{чап}}) = Q_{\text{ГЭС-3}} - (\text{СИ}_{4-\text{чап}} + \text{СИ}_{4-\text{ўнг}} + \text{СИ}_{5-\text{чап}} + \text{СИ}_{5-\text{ўнг}}) = Q_{\text{ГЭС-4}} - (\text{СИ}_{6-\text{чап}} + \text{СИ}_{6-\text{ўнг}} + \text{СИ}_{7-\text{чап}}) = Q_{\text{ГЭС-5}} - (\text{СИ}_{8-\text{чап}} + \text{СИ}_{7-\text{ўнг}} + \text{СИ}_{8-\text{чап}} + \text{СИ}_{9-\text{чап}}) = Q_{\text{ГЭС-6}} = Q_{\text{машина канали}}$$



2.2-расм. Каскаддаги ГЭСлар оралиғидаги машина каналларидан суволинадиган ГЭСлар каскади схемаси:СИ-сув истеъмолчилари;МК-машина канали;ГЭС-гидроэлектростанция.

Назорат саволлари:

1. Йирик ирригация каналларига ҳамда каскадларга таъриф беринг?
2. ГЭСлар каскади схемаларини аниқланг?
3. Схемакларга асосан ҳар бир ГЭСнинг ҳисоб сув сарфини ҳисобланг?

Фойдаланилган адабиётлар:

1. Advenced Rene-wable Energy Sources Cambridge, UK, 2012 (English). -522 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.

3-амалий машғулот:

Маълум ҳудуддаги қуёш энергияси қувватини ҳисоблаш.

Ишнинг мақсади— Мамлакатимиз ҳудудига тушадиган қуёш радиацияси энергиясига ($\text{kВт соат}/\text{м}^2$) асосан, маълум ҳудуд учун қуёш энергетик қурилмалари ёрдамида ишлаб чиқиладиган қувватини ҳисоблашни тигиловчиларга ўргатишдан иборатdir.

Масаланинг қўйилиши: Кўёш электростанциялари қуриш учун маълум ажратилган ер майдонларига қуриладиган қўёш электростанциясининг ўртача йиллик қуввати ҳисоблаш лозим.

Ишни бажариш учун намуна

Ҳар бир тигловчига вилоятлар кесимида, қўёш электростанциялари қуриш учун маълум ер майдонлари ажратилади. Мана шу майдонга қуриладиган қўёш электростанциясининг ўртача йиллик қуввати ҳисоблаб чиқилади.

1. Ажратилган майдондаги, қўёш энергоқурилмалари билан ишлаб чиқиладиган ўртача йиллик электрорэнергия микдори, ерга тушаётган қўёш радиациясининг ҳолатига нисбатан қўйидаги формула билан аниқланади

$$\mathcal{E} = \frac{I \times K_0 \times V_{\text{модул}} \times K_{\text{ном}}}{U_{\text{таж.}}} ;$$

Бу ерда: I-ер юзининг горизонтал текислигига тушадиган қўёш энергияси микдори, kVt.coat/m^2 (иссиқлик изотахалари картасидан олинади);

K_0 –горизонтал текисликдан коллектор юзасига кўчириладиган қўёш энергияси йиғиндинсини қайта ҳисоблаб тўғрилаш коэффициенти;

$V_{\text{модул}}$ -қўёш батареясининг номинал қуввати, kVt ;

$K_{\text{ном}}$ -кўёш энергиясини электроэнергияга айлантиришда ва уни узатишда йўқотиладиганэнергияни ҳисобга олувчи коэффициент;

$U_{\text{таж.}}$ -фотоэлектрик модуллар тест қилинадиган вақтдаги қўёш радиациясининг интенсивлиги, kVt/m^2


Ишнинг натижалари: Берилган амалиёт ишини топширишда тингловчи томонидан қўйидаги шартлар бажарилади:

1. Тингловчи ўзига ажратилган худуддаги қўёш энергоқурилмаси қуриладиган жойни аниқлайди.

2. Қўёш радиацияси микдори кўрсатилган иссиқлик изотахалари картасидан, ўзига таалукли иссиқлик изотахаси микдорини аниқлайди.

3. Аниқланган микдорларга нисбатан иккала усулда ҳисобланган қўёш энергиясини бир-бирига солишириб кўради.

Қўёш энергиясидан фойдаланишни ҳисоблашда асосан, қўёш нурининг 1 m^2 майдонга бераётган энергия микдори ҳисобга олинади. Коинотнинг атмосфера қатламидан юқори қисмига тушаётган қўёш радиацияси энергияси ўртача $1,395 \text{ kVt/m}^2$ ни ташкил қиласди ва бу микдор қўёш доимийси деб аталади. Аммо бу микдор ер юзасига етиб келгунча ҳар хил қаршиликларга учрайди ҳамда йилнинг фасли ва ҳисоб қилинаётган худуднинг кенглигига нисбатан унинг микдори ўзгариб туради (1-расм).



3.1-расм. Марказий Осиё мамлакатларида қўёш радиациясининг тақсимланиши.

Назорат саволлари

1. Куёш радиацияси ва қуёш доимийси нима?
2. Иссиклик изотахаларига таъриф беринг.
3. Куёш радиациясининг қаршиликка учраш коэффициентлари йиғин-диси, қайси коэффициентлар кўпайтмасига тенг?
4. Куёшнинг 1 m^2 майдондаги қуввати қандай ҳисобланади?

Фойдаланилган адабиётлар

1. Advenced Rene-wable Energy Sources Cambridge, UK, 2012 (English). -532 p.
2. Majidov T.SH. Noana'naviy va qayta tiklanuvchi energiya manbalari. Darslik, "Voris" nashriyoti, Toshkent, 2014. -168 b.

V. КЕЙСЛАР БАНКИ

Муаммо: Инсон таъсири натижасида дунё ўзгармоқда. Инсониятнинг органик энергетик ресурсларни ўйламасдан энергетикада, транспортда, катта завод ва фабрикаларда қўллаши, атом энергетикаси ҳамда катта шаҳарлар чиқиндиларини дунё уммонига ташланиши натижасида атроф-мухит ўзгармоқда. Ер юзида иқлимининг ўзгариши кузатилмоқда, мангу музликлар эримоқда, шаҳарлар сув остида қолмоқда, ўрмонлар ёнмоқда.

- вақт бўйича
- турли таъминланганлик фоизлари бўйича.

Вазифалар: Ер юзининг жуда кўп мамлакатларида инсонларни ичимлик сувининг етишмаслиги, қурғоқчилик ва очарчилик қийнамоқда, янги-янги касалликлар пайдо бўлмоқда. Юқорида келтирилган салбий ўзгаришларнинг барчаси, миллионлаб йиллар табиат томонидан ўрнатилган табиий мувозанатни инсоният томонидан ўйламасдан бузулиши натижасида юз бермоқда. Шунинг учун ҳам улуғ инглиз файласуфи Френсис Бэкон «Табиат фақатгина унга бўйсуниш билан енгилади» деган эди.

Юз бераётган фалокатларни тўхтатиш учун нима қилиш керак? Биринчи галда инсоннинг ички дунёсини табиатга нисбатан ижобий ўзгариши, сўнгра органик энергетик ресурслардан фойдаланишни бутунлай тўхтатиш лозим.

Масаланинг ечилиши. Қандай қилиб? Ахир замонавий инсон маший қулайликлариз - комфортсиз, яъни машинасиз, узоқни яқин қилувчи тез юрувчи поездларсиз, самолётларсиз, телевизорсиз, музлатгичсиз, иситгичсиз, иссиқ ва совук сувсиз ҳамда бошқа қулайликларсиз яшай олмайдику. Завод ва фабрикалар энгеригиясиз ишлай олмайдилар. Ҳозирги ривожланган дунёда энергия, иносниятни олға етакловчи асосий манба ҳисобланади. Мамлакатларнинг қудрати ҳам уларнинг энергия билан қанчалик таъминланганликларига қараб белгиланади.

Атроф-мухитга зарар келтирмай инсоният хизматини бажарадиган энергия, табиатда мавжуд бўлган экологик тоза табиий энергиялардир. Бу энергия турларига сув, қуёш, шамол, геотермал сувлар, гейзерлар, тўлқинлар, сув сатҳининг кўтарилиб-тушиши, вулканлар, чақмоқлар, уммон ва денгизлардаги ҳар хил оқимлар, биомасса, водород ёқилғиси, шаҳар чиқиндилари, фотосинтез; фотоэлектрик ўзгариувчилар, химик (галваник) элементлар

ҳамда бошқалар кириши мумкин. Мана шу энергия турларига ноанаънавий ва қайта тикланувчи энергия манбалари дейилади. Фақатгина юқорида кўрсатилган энергия манбаларидан тоза экологик энергия ишлаб чиқариш мумкин.

Кейсни бажариш саволлар ва топшириклар

1. Нега атроф-мухит салбий томонга ўзгармоқда?
2. Нега музликлар эримоқда?

3. Нега ер юзида иқлим ўзгариши кузатилмоқда?
4. Нега кўп малакатларда ичимлик сув етишмайди?
5. Табиатни енгиш мумкинми?, енгиш учун нима қилиш лозим.
6. Қандай қилиб ер юзида рўй бераётган фалокатларни тўхтатиш мумкин?
7. Экологик тоза энергия қандай ишлаб чиқарилади?
8. Энергиянинг асосий вазифаси нимадан иборат?
9. Ноанаънавий ва қайта тикланувчи энергия манбаларини санаб ўтинг.

Кейс манбаи

1. Мажидов Т. Ноанаънавий ва қайта тикланувчи энергия манбалари. Дарслик, “Ворис” нашриёти, Тошкент, 2014. -168 бет.

Тингловчи учун услубий қўлланма. Кейс билан мустақил ишлаш учун йўриқнома

Иш босқичлари	Маслаҳат ва тавсиялар
1. Кейс билан танишув	Аввал кейс билан танишинг. Кейсни ўқишингиз билан дарҳол кузатилаётган холатни таҳлил этишга шошилманг.
2. Тавсия этилаётган холат билан танишув.	Берилган аҳборотни яна бир марта диққат билан ўқиб чиқинг. Сиз учун муҳим саналган жойларни ажратиб олинг. Ўрганилаётган холатга таъсир этаётган омилларни санаб (ўрганиб) ўрганилаётган холат бўйича субъектларга аниқлик киритинг. Тавсия этилган аҳборотларни ўрганишда холатни ичига «шўнғиб кетманг».
3. Асосий ва қўшимча муаммоларни аниқлаш, шакллантириш ва асослаш.	Асосий муаммони ва муаммоларнишакллантиринг ўз қарорингизни асослаб беринг.
4. Холатнинг таҳлили	Аниқлик киритинг, ўрганилаётган муаммо ҳозирда қай даражади. Ҳозир таҳлил этилаётган шароитда шу масаланинг ечими борми
5. Муаммони асослаш услубларини ва воситаларини ечиш, танлаш.	Аҳборот хатини тайёрлашда ушбу холатда муаммони ечишни мумкин бўлган усувларни аниқлашга ҳаракат қилинг.

Кейсни гуруҳларда ишлаш бўйича йўриқнома

Иш босқичлари	Маслаҳат ва тавсиялар
Холат ва муаммоларни тақдим этишни келишиш	Гуруҳ аъзолари ўртасида ўрганилаётган муаммоларни таҳлил этиб ўрганинг.
Аҳборот хатидаги тақдим этилга варианtlарни таҳлил этиш ва баҳолаш.	Аҳборот хатидаги вариантни муҳокама қилинг ва баҳоланг.
Аҳборот хатидаги энг мувофиқ ечимни ишлаб чиқиш ва ишлатиш учун дастур.	1. Танлаб олинган муаммони асослаб уни ечиш усули ва воситасини тасвирланг. 2. Муаммони ечимини дастлабки қадамларини асосланг.
Презентациягатайёргарлик.	Презентация қилинадиган маълумотларни плакатлар, слайдлар ёки мультимедия кўринишида тайёрланг.

Кейс. «Ҳозирги кундаги экологик мухит» мавзусидаги машғулот модели

Вақт: 2 соат	Тигновчилар сони: 25 кишигача
Ўқув жараёнининг шакли	Ўқув жараёнини ўрганиш бўйича семинар
Семинар режаси	1. Саволарни муҳокама қилиш: - экологик мухитнинг ёмонлашиши; - экологик тоза энергия манбаларидан фойдаланиш; - экологик тоза энергия манбалари.

	2. Кейс билан танишиш. 3. Кейсни кичик гурухларда ечими ва натижаларини презентация қилиш. 4. Натижаларни мухокама қилиш ва яхши варианктарни танлаш.
Дарсни ўқитиш мақсади	Тигнловчиларга атроф – мухитнинг ифлосланишини олдини олиш ҳамда экологик тоза энергия манбалари бўйича маълумот бериш
Педагогик вазифалар: экологик тоза энергия тушунчаси билан танишиш; ахборот хатини айрим дастурларини ёзиш қоидалари ўргатилади. дунёда ва мамлакатимизда тоза энергия манбаларидан энергия олиш бўйича чора тадбирлар ишлаб чиқилиши тушунтирилади.	Ўқув фаолиятининг натижалари: экологик тоза энергия манбаларидан фойдаланиш ҳолати; ахборот хатини ёзиш кетма-кетлиги аниқланади; ҳозирги кундаги экологик тоза энергия манбаларидан бўйича ахборот хатини ишлаб чиқадилар.
Ўқитиш усули	Кейс стадий, аналитик усул
Ўқитиш воситаси	Доска, Ахборот комуникация технологияси, кейс билан ишлаб бўйича услубий кўрсатмалар
Ўқитиш шакли	Фронтал, оммавий, алоҳида гурухларда ишлаш

Ўқув машғулотининг технологик картаси

Вақт тақсимоти	Фаолият	Тигнловчи
	Ўқитувчи	
Тайёрлов жараёни (10 мин)	Кейс материаларини тайёрлайди ва тигнловчиларга танишиш учун тарқатади. Семинарни иш тартиби, баҳолаш мезони ва кўнсаткичлари билан таништиради.	Кейс мазмуни билан Мустақил танишадилар, таҳлил этиш бўйича вароқни алоҳида ўзи тўлдиради
I босқич Ўқув машғулотига кириш(20 мин)	1.1 Материалларни ўрганиб чиқиш бўйича топшириқ беради. 1.2 Берилган саволларга ёзма жавоб қайтаришини сўрайди. 1.3 Корхона ва ташкилотларда персонал карьерасини бошқаришнинг оптималийўларини айтади.	Ўқув топшириғинибажарадилар
II босқич Асосий қисм (30 мин)	Кейс билан индивидуал ишлаш натижаларини таҳлил этиб топшириқар беради. Ўқув фаолияти ҳолати бўйича маслаҳатлар бериб ишни мақсадга йўналтиради. Индивидуал ёзма ишлар натижаларини текширади ва баҳолайди.	Иш натижалари бўйича гурух презентация ўтказади, саволлар беради ва ишни баҳолайди.
III босқич Яқуний баҳолаш (20 мин)	3.1 Ўқув фаолияти натижалар умумлаштирилади. 3.2 Натижалар эълон қилинади. 3.3 Олинган билим ва кўникмаларнинг аҳамияти таъкидланади.	Эшитадилар, аниқлаштирувчи саволлар беради.

Кейсолог томонидан келтирилган кейс ечими.

Стратегик мақсад. Мамлакатимизда экологик тоза жнергия манбаларидан фойдаланишнинг оптималь йўлларини таҳлил этиш. Ахборот хати тайёрлаш. Унда ушбу холатлар бўйича таклифлар берилади.

Стратегик вазифалар.

- табиатда бўлаётган ўзгаришларни ўрганиш;
- экологик фалокатлар ва уларни ҳосил бўлишини ўрганиш;
- тоза энергия манбаларидан макималл энергия олиш йўлларини ўрганиш.

Стратегик вазифалар ечими.

- ер юзида рўй берәётган экологик фалокатларни камайтириш бўйича таҳлиллар амалга оширилади;

- экологик тоза энергия манбалари ўрганилади;
- экологик тоза энергия ишлаб чиқариш йўллари ўрганиб чиқилади.

1. Мамлакатимиздаги экологик тоза энергия ишлаб чиқаришобъектларига мисоллар келтиринг.

Мамлакатимизнинг Самарқанд вилоятида, Осиё тараққиёт банкининг ёрдамида, дунёда энг иирик қуёш фотоэлектрик станцияси қурилиши режалаштирилди. Қуёш электростанцияси 400 га майдонга жойлашиб, унинг қуввати 100 МВт ни, йиллик электроэнергия ишлаб чиқариш эса, 200 млн. кВт/соатни ташкил қиласди. Электростанциянинг қурилиши 5 йил давом этиб, 2019 йилнинг март ойида ишга туширилиши кутилмоқда.

«Ўзбекэнерго» ДАК мутахассисларининг ҳисобларига қараганда Ўзбекистон Республикаси худуди, қуёш энергияси бўйича жуда катта имкониятларга эга. Мамлакатдаги барча қайта тикланувчи энергия манбаларининг 99% ни қуёш энергияси ташкил қилиб, 50млрд. тонна нефть эквивалентига teng эканлиги аниқланди. Ҳукуматнинг ноанаънавий ва қайта тикланувчи энергия манбаларидан фойдаланиш бўйича олиб бораётган тадбирлари натижасида 2031 йилда мамлакатда истеъмол қилинаётган электроэнергиянинг 21% қайта тикланувчи энергия манбаларида ишлаб чиқариладиган электроэнергия билан қопланади.

Халқаро ҳамжамиятнинг қайта тикланувчи энергия манбаларидан фойдаланиш бўйича тажрибалари билан танишиш учун, Ҳукуматимиз томонидан кўплаб ҳалқаро илмий анжуманлар ташкил қилинмоқда. «Қайта тикланувчи энергия манбалари Марказий Осиёда, озиқ-овқат хавфсизлигини таъминлашда ҳамда узоқда жойлашган аҳоли пунктларини ижтимоий-иқтисодий шароитларини яхшиловчи муҳим омилдир» мавзусида 2008 йил ноябрь ойида ўтказилган ҳалқаро анжуман ҳам, ушбу соҳада олиб борилаётган илмий, илмий-тадқиқот, конструкторлик ва қайталанувчи энергия манбаларига ўрнатилган энергетик қурилмалар билан танишиш имконини берди.

Хозирги кунда қуёш энергиясидан фойдаланиш учун жуда катта инвестицион маблағлар киритилмоқда. 2013 йилнинг ноябрь ойида мамлакатимиз Президентининг ташаббуси билан Тошкентда, «Қуёш энергетикаси технологияларининг истиқболлари ва йўналишлари» мавзусида «Қуёш энергияси бўйича Осиё форуми»нинг 6-ийғилиши бўлиб ўтди. Ушбу йигилишда Президентимиз, охирги 5 йилда қуёш энергиясидан фойдаланишга киритилаётган инвестициялар мидори 520 млрд. долларни, шундан 2012 йилда 143 млрд. долларни ташкил қилганини, 2012 йилда қуёш энергиясидан электроэнергия ишлаб чиқариш 113 млрд. кВт/соатни, шундан фотоэлектрик қуёш станциялари билан 110 млрд. кВт/соат электроэнергия ишлаб чиқарилганини таъкидлаб ўтдилар.

VI. МУСТАҚИЛ ТАЪЛИМ МАВЗУЛАРИ

Мустақил ишни ташкил этишнинг шакли ва мазмуни

Тингловчи мустақил ишни муайян модулни хусусиятларини ҳисобга олган холда қуийдаги шакллардан фойдаланиб тайёрлаши тавсия этилади:

- меъёрий хужжатлардан, ўқув ва илмий адабиётлардан фойдаланиш асосида модул мавзуларини ўрганиш;
- тарқатма материаллар бўйича маърузалар қисмини ўзлаштириш;
- автоматлаштирилган ўргатувчи ва назорат қилувчи дастурлар билан ишлаш;
- маҳсус адабиётлар бўйича модул бўлимлари ёки мавзулари устида ишлаш;
- тингловчининг касбий фаолияти билан боғлиқ бўлган модул бўлимлари ва мавзуларни чуқур ўрганиш.

Ҳар бир тингловчи ўқитувчи томонидан берилган мавзулар юзасидан топширикларни бажарадилар ва баҳоланадилар, баҳолаш мезони ишчи дастурда келтирилан.

Мустақил таълим мавзулари

1. Жамият ва инсон ҳаётида энергетика ҳамда электроэнергетиканинг ўрни.
2. Қайталанувчи энергетик ресурсларнинг потенциал заҳиралари.
3. Ўзбекистон Республикасидаги ноанаъанавий ва қайталанувчи энергия манбалари(Ирригация тизимларидағи кичик ва урта ГЭСлар, ва шамол энергияси, биогаз ёқилғиси).
4. Юр юзида қайталанувчи энергия манбаларидан фойдаланишнинг келажаги.
5. Энергиядан фойдаланиш тарихи.
6. Мамлакатимизда ирригация тизимларидағи гидроэлектростанциялар ҳамда гидроаккумуляцион гидроэлектростанциялардан фойдаланиш имкониятлари.
7. ГЭСларнинг энергетик ва ирригацион режимда ишлаши.
8. Анаъанавий энергия манбалари (Иссиқлик, гидравлик , атом ва бошқалар)
9. Қайталанмайдиган энергия манбалари(Иссиқлик, атом ва бошқалар).
10. Ноанаъанавий энергия манбалари (Тўлқинлар, сатҳнинг кўтарилиб тушиши, денгиз ва уммон оқимлари, геотермал, куёш, шамол, биомасса ва бошқалар).
11. Қайталанувчи энергия манбалари.
12. Қайталанувчи энергия манбаларидан фойдаланувчи янги энергетик қурилмалар
13. Куёш энергияси. Куёш энергиясини бошқа энергия турларига айлантириш схемалари.
14. Куёш энергиясидан иссиқлик энергияси олиш ва уни қўллаш.
15. Куёш энергиясидан тўғридан-тўғри электроэнергия олиш.
16. Куёш энергиясининг турлари ва уларни қўллаш имкониятлари Хисравиддинов
17. Космик қуёш электростанцияларининг энергия узатишини такомиллаштириш усуллари.
18. Куёш энергиясини техникада, ахолини майший эҳтиёжини қондиришда қўлланилиши.
19. Шамол энергиясининг характеристикалари ва кадастри.
20. Стационар ва кўчиб юрувчи шамол энергетик қурилмалари
21. Шамол энергияси.Шамол электростанциялари

VII. ГЛОССАРИЙ

Термин	Ўзбек тилидаги шарҳи	Инглиз тилидаги шарҳи
<i>Абсорбент</i>	ўзи билан билан алоқада бўлган суюқ ёки газ ҳолатидаги муҳитдан, баъзибирбошқа моддаларни ютиш хусусиятига эга бўлган модда	a substance capable of absorbing some of the other matter from the liquid or gaseous medium with which it is in contact
<i>Абсорбция</i>	(лотинча «absorbeo-ютаман») абсорбент билан газ ёки суюқликларнинг буғларини	(From the Latin absorber - . Absorb), volume absorption of gases or liquid

	эритма ҳосил бўлгунча ҳажмий ютиш.	vapors (absorbent) to form a solution.
Аккумуляторлар	(лотинча «accumulator -йиғувчи») кейинчалик фойдаланиш учун энергия йиғувчи курилма. Кўп марта фойдаланилайдиган гальваник элементлар.	(Latin accumulator -. A collector from accumulo - collect accumulated) - a device for energy storage with a view to its subsequent use. Galvanic reusable elements (ionnolitievye polymer).
Аморф жисм	кристалл тузилишга эга бўлмаган жисм, яъни кристаллга нисбатан аморф жисмтаркибиға киравчи атомлар, молекулалар ёки бошқа зарралар тартибсиз жойлашган	not having a crystalline structure. Amorphous body - the body, in which atoms, molecules or other particles in its composition, in contrast to the crystal, are arranged randomly
Бифурка-ция	ниманидир бўлиниши ёки иккига бўлиниши	split, split something or anything.
Биосфера	атмосферанинг пастки қисми, гидросфера ва литосферанинг юқори қисмини ўз ичига оладиган фаол ҳаёт зонаси.	the lower part of the atmosphere, hydrosphere and lithosphere comprises the upper portion of the active zone.
Близте-ринг	металлнинг юзага яқин қисмida газ пўфакчаларининг ҳосил бўлиши. Натижада металлнинг юза қисмida қавариқлар ҳосил бўлади	appearance gas bubbles in the surface layer of the metal, which leads to surface swelling.
Водород	(лотинча «Hydrogenium-H») Д.И Менделевнинг элементлар даврий тизимидағи биринчи тартиб рақамли химик элемент, атомининг массаси 1,00797 га тенг. Одатдаги шароитда водород-газ, рангсиз, ҳидсиз ва таъмсиз.	chemical element, the first in numerical order in the periodic system DI Mendeleev (H); the atomic weight of 1.00797. Under ordinary conditions of hydrogen - gas; It has no color, odor and taste.
Гидроэнергетика	электор энергиясини олиш учун сув ресурслари- нинг механик энергиясидан фойдаланши билан боғлиқ энергетика соҳаси.	water resources for electric power in mechanical energy in the energy sector.
Гидроагрегат	гидравлик турбина ва электр генератори(гидро- генератордан)дан ташкил топган агрегат.	hydraulic turbines and generators of electricity (hydro generators) in the aggregate.
Тикловчи-лар	оксидланиш-қайтарилиш реакция-ларида ўз электронларини берувчи атом, молекула, атом ёки молекула ионлариидир, бу жараёнда уларнинг ўзлари оксидланадилар	atom, molecule, atomic or molecular ion donates an electron in oxidation - reduction reactions (IAD); while they themselves are oxidized.
Тикланин	оксидланиш-қайтарилиш реакцияларида электронларнинг кўшилиш жараёни.	electron attachment process in OBP.
Гальваник элемент	электрохимик реакция хисобига электрсизланиш даврида электр энергияси ишлаб чиқарувчи электр токи манбай. Гальваник элемент таркибиға, электрліт суюқлиги орқали бир-бiri билан алоқада бўлувчи иккита ҳар хил электродлар (бiri –оксидланувчи, иккинчиси-тикловчи) киради. Гальваник элементларнинг ишлаш принципи-	a source of electric current, which releases during discharge electrical energy by the electrochemical reactions. The structure of the cell consists of two dissimilar electrodes (one- containing oxidant, the other - the reducing agent) in contact with the electrolyte. The principle of operation of the cell based on the effect the interaction of the metal with an

	металларнинг электролит эритмаси билан ўзаро алоқаси натижасида ёпик занжирда электр токининг ҳосил бўлиш жараёнига асосланган.	electrolyte, leading to the emergence of a closed loop of electric current.
<i>Гидрид</i>	водороднинг бошқа элемент билан химик қўшилишидир.	A chemical compound of hydrogen with another element.
<i>Деграда-ция</i>	секин-аста ёмонлашиш, ижобий сифатларни пасайиши ёки бутунлай йўқолиши, инқозга юз тутиш, айниш жараёнлари.	gradual deterioration; reduction or loss of positive qualities, decay, degeneration.
<i>Ёқилғи элементи</i>	ёқилғининг оксидланиш реакцияси энергиясини, тўғридан-тўғри электр энергиясига айлантириб берувчи электрохимик генератор.	the reaction of oxidation of the fuel energy directly into electrical energy electrochemical generator.
<i>Ёндирувчивод ородни</i>	катализатор қаватидан ўтаётган водороднинг оксидланиши ва сувга айланиши юз берадиган курилма.	device in which the hydrogen passing through the catalyst layer is oxidized and converted into water.
<i>Икки контурли ГеоТЭС</i>	ишчи ҳажми, иссиқни буғ генераторидан ўтаётган геотермал буғли сув аралашмасидан оладиган буғ турбинали электростанция,	volume, heat through steam generator geothermal steam mixture of steam turbine power plants,
<i>Интерметал лик қўшилиши</i>	металларни бир-бири билан қўшилиши.	chemical compounds of metals with each other.
<i>Ноанъавий қайта тиклана- диган энергия манбалари</i>	гидроэнергия ва ўсимлик биомассасини бевосита ёкиш натижасида олинадиган энергиядан ташқари барча турдаги қайта тикланадиган энергия.	- Hydro and biomass energy obtained directly or as a result of all kinds of renewable energy.
<i>Синтетик ёқилғи</i>	каттиқ қўнғир қўмирдан, сланцлардан ва дала экинларидан олинадиган суюқ ёки газ шаклидаги ёқилғи.	slantslardan brown coal and crops to be in the form of a liquid or gas fuel.
<i>Тўлқинли энергетик курилма</i>	денгиз тўлқинлари энергиясини электр энергиясига айлантириб берувчи энергетик курилма.	sea wave energy into electric energy device.
<i>Куёш электро- станцияси (КЭС)</i>	куёш нурларидан электр энергияси ишлаб чиқаришда фойдаланадиган электростанция	use in the production of electrical energy from the rays of the sun power
<i>Шамол агрегати</i>	шамол двигатели (парракли ғилдирак) ва электр генераторини ўз таркибига олган шамол агрегати.	wind engine (alternating wheels) and an electric generator consists of units of wind.
<i>Шамол энергети- каси</i>	шамол двигатели (парракли ғилдирак) ва электр генераторини ўз таркибига олган шамол агрегати.	wind engine (alternating wheels) and an electric generator consists of units of wind.

VIII. АДАБИЁТЛАР РЎЙХАТИ

1. Аллаев К.Р. Энергетика мира и Узбекистана. Учебное пособие, издательства “Молия”, Ташкент, 2007. -388 с.
 2. Advenced Rene-wable Energy Sources Cambridge, UK, 2012 (English).520-535 p.
 3. Majidov T.SH. Noana’naviy va qayta tiklanuvchi energiya manbalari. Darslik, “Voris” nashriyoti, Toshkent, 2014. -168 b.
 4. Мухаммадиев М.М. ва бошқалар. Гидротурбиналар. Тошкент, 2006. –152 б.
 5. Мухаммадиев М.М., Потаенко К.Д. Возобновляемые источники энергии. Учебное пособие, Ташкент, 2005. – 214 с.
 6. Бадалов А.С., Зенкова В.А., Уралов Б.Р. Гидроэлектростанциялар. ТИМИ, Тошкент, 2008. – 152 бет.

Интернет ресурслар